


मालक

वसिष्ठस्य





মালঞ্চ

রবীন্দ্রনাথ ঠাকুর



বিশ্বভারতী গ্রন্থনবিভাগ

কলকাতা

‘বিচিত্রা’য় প্রকাশ আশ্বিন-অগ্রহায়ণ ১৩৪০

গ্রন্থপ্রকাশ চৈত্র ১৩৪০

পুনর্মুদ্রণ পৌষ ১৩৫১, পৌষ ১৩৫৪, শ্রাবণ ১৩৬০, বৈশাখ ১৩৬৩

মাঘ ১৩৬৫, ফাল্গুন ১৩৬৭, শ্রাবণ ১৩৭১, শ্রাবণ ১৩৮৩

ফাল্গুন ১৩৮৯, মাঘ ১৩৯৪, ফাল্গুন ১৪০১

আষাঢ় ১৪১৯

© বিশ্বভারতী

ISBN-978-81-7522-551-0

প্রকাশক রামকুমার মুখোপাধ্যায়
বিশ্বভারতী। ৬ আচার্য জগদীশচন্দ্র বসু রোড। কলকাতা ১৭

মুদ্রক আশুতোষ লিথোগ্রাফিক কোম্পানি
১৩ ছিদাম মুদি লেন। কলকাতা ৬

মালধ

শিল্পী শিল্প রক্ষিতব্যম্। উৎসাহ। উৎসাহ। উৎসাহ।
পাঠ্য পাঠ্য। পাঠ্য। পাঠ্য। পাঠ্য।
উৎসাহ। উৎসাহ। উৎসাহ।
উৎসাহ। উৎসাহ। উৎসাহ।
উৎসাহ। উৎসাহ। উৎসাহ।

উৎসাহ। উৎসাহ। উৎসাহ।
উৎসাহ। উৎসাহ। উৎসাহ।
উৎসাহ। উৎসাহ। উৎসাহ।
উৎসাহ। উৎসাহ। উৎসাহ।
উৎসাহ। উৎসাহ। উৎসাহ।

উৎসাহ। উৎসাহ। উৎসাহ।
উৎসাহ। উৎসাহ। উৎসাহ।
উৎসাহ। উৎসাহ। উৎসাহ।
উৎসাহ। উৎসাহ। উৎসাহ।
উৎসাহ। উৎসাহ। উৎসাহ।

विद्यया ऽमृतमश्नुते

सत्यमेव जयते

सत्यमेव जयते, सत्यमेव जयते, सत्यमेव जयते, सत्यमेव जयते

सत्यमेव जयते, सत्यमेव जयते, सत्यमेव जयते, सत्यमेव जयते

सत्यमेव जयते, सत्यमेव जयते, सत्यमेव जयते

सत्यमेव जयते

© विद्यया

ISBN-978-81-7522-551-0

सत्यमेव जयते

सत्यमेव जयते, सत्यमेव जयते, सत्यमेव जयते, सत्यमेव जयते

सत्यमेव जयते, सत्यमेव जयते, सत्यमेव जयते

सत्यमेव जयते, सत्यमेव जयते, सत्यमेव जयते

পিঠের দিকে বালিশগুলো উঁচু করা। নীরজা আধ-শোওয়া পড়ে আছে রোগশয্যায়। পায়ের উপরে সাদা রেশমের চাদর টানা, যেন তৃতীয়ার ফিকে জ্যোৎস্না হালকা মেঘের তলায়। ফ্যাকাশে তার শাঁখের মতো রঙ, ঢিলে হয়ে পড়েছে চুড়ি, রোগা হাতে নীল শিরার রেখা, ঘনপক্ষ চোখের পল্লবে লেগেছে রোগের কালিমা।

মেঝে সাদা মার্বেলে বাঁধানো, দেয়ালে রামকৃষ্ণপরমহংস-দেবের ছবি, ঘরে পালঙ্ক, একটি টিপাই, ছুটি বেতের মোড়া আর এক কোণে কাপড় ঝোলাবার আলনা। ছাড়া অশু কোনো আসবাব নেই; এক কোণে পিতলের কলসীতে রজনীগন্ধার গুচ্ছ, তারই মূছ গন্ধ বাঁধা পড়েছে ঘরের বন্ধ হাওয়ায়।

পূর্ব দিকের জানলা খোলা। দেখা যায় নীচের বাগানে অর্কিডের ঘর, ছিটে বেড়ায় তৈরি; বেড়ার গায়ে গায়ে অপরাজিতার লতা। অদূরে ঝিলের ধারে পাম্প্ চলছে; জল কুল কুল করে বয়ে যায় নালায় নালায়, ফুলগাছের কেয়ারির ধারে ধারে। গন্ধনিবিড় আমবাগানে কোকিল ডাকছে যেন মরিয়া হয়ে।

বাগানের দেউড়িতে ঢং ঢং করে ঘণ্টা বাজল বেলা ছপুরের।
 ঝা ঝা রৌদ্রের সঙ্গে তার সুরের মিল। তিনটে পর্যন্ত মালীদের
 ছুটি। ঐ ঘণ্টার শব্দে নীরজার বৃকের ভিতরটা ব্যথিয়ে উঠল,
 উদাস হয়ে গেল তার মন। আয়া এল দরজা বন্ধ করতে। নীরু
 বললে, 'না না, থাক্।' চেয়ে রইল যেখানে ছড়াছড়ি যাচ্ছে
 রৌদ্রছায়া গাছগুলোর তলায় তলায়।

ফুলের ব্যবসায়ে নাম করেছে তার স্বামী আদিত্য।
 বিবাহের পরদিন থেকে নীরজার ভালোবাসা আর তার স্বামীর
 ভালোবাসা নানা ধারায় এসে মিলেছে এই বাগানের নানা
 সেবায়, নানা কাজে। এখানকার ফুলে পল্লবে ছুজনের সম্মিলিত
 আনন্দ নব নব রূপ নিয়েছে নব নব সৌন্দর্যে। বিশেষ বিশেষ
 ডাক আসবার দিনে বন্ধুদের কাছ থেকে প্রবাসী যেমন অপেক্ষা
 করে চিঠির, ঋতুতে ঋতুতে তেমনি ওরা অপেক্ষা করেছে ভিন্ন
 ভিন্ন গাছের পুঞ্জিত অভ্যর্থনার জন্মে।

আজ কেবল নীরজার মনে পড়ছে সেইদিনকার ছবি।
 বেশিদিনের কথা নয়, তবু মনে হয় যেন একটা তেপান্তরের মাঠ
 পেরিয়ে যুগান্তরের ইতিহাস। বাগানের পশ্চিম ধারে প্রাচীন
 মহানিমগাছ। তারই জুড়ি আরো একটা নিমগাছ ছিল; সেটা
 কবে জীর্ণ হয়ে পড়ে গেছে; তারই গুঁড়িটাকে সমান করে
 কেটে নিয়ে বানিয়েছে একটা ছোটো টেবিল। সেইখানেই
 ভোরবেলায় চা খেয়ে নিত ছুজনে, গাছের ফাঁকে ফাঁকে সবুজ-
 ডালে-ছাঁকা রৌদ্র এসে পড়ত পায়ের কাছে; শালিক কাঠ-

বিড়ালি হাঙ্গির হত প্রসাদপ্রার্থী। তার পরে দৌহে মিলে চলত বাগানের নানা কাজ। নীরজার মাথার উপরে একটা ফুলকাটা রেশমের ছাতি, আর আদিত্যর মাথায় সোলার টুপি, কোমরে ডাল-ছাঁটা কাঁচি। বন্ধু-বান্ধবরা দেখা করতে এলে বাগানের কাজের সঙ্গে মিলিত হত লৌকিকতা। বন্ধুদের মুখে প্রায় শোনা যেত, 'সত্যি বলছি ভাই, তোমার ডালিয়া দেখে হিংসে হয়।' কেউ বা জানাড়ির মতো জিজ্ঞাসা করেছে, 'ওগুলো কি সূর্যমুখী?'— নীরজা ভারি খুশি হয়ে হেসে উত্তর করেছে, 'না, না, ও তো গাঁদা।' একজন বিষয়বুদ্ধি-প্রবীণ একদা বলেছিল, 'এত বড়ো মোতিয়া বেল কেমন করে জন্মালেন নীরজা দেবী? আপনার হাতে জাহ্নু আছে। এ যেন টগর।' সমজদারের পুরস্কার মিলল; হল্য মালীর জুকুটি উৎপাদন করে পাঁচটা-টব-মুদ্র সে নিয়ে গেছে বেলফুলের গাছ। কতদিন মুদ্র বন্ধুদের নিয়ে চলত কুঞ্জপরিক্রম— ফুলের বাগান, ফলের বাগান, সবজির বাগানে। বিদায়কালে নীরজা বুড়িতে ভরে দিত গোলাপ, ম্যাগনোলিয়া, কার্নেশন— তার সঙ্গে পোঁপে, কাগজি লেবু, কয়েৎবেল— ওদের বাগানের ডাকসাইটে কয়েৎবেল। যথাস্থতুতে সব-শেষে আসত ডাবের জল। তৃষিতেরা বলত, 'কী মিষ্টি জল!' উত্তরে গুনত, 'আমার বাগানের গাছের ডাব।' সবাই বলত, 'ও, তাই তো বলি।'

সেই ভোরবেলাকার গাছতলায় দার্জিলিং-চান্নের-বাষ্প-মেশা নানা ঋতুর গন্ধস্মৃতি দীর্ঘনিশ্বাসের সঙ্গে মিলে হায়-হায়

করে ওর মনে ! সেই সোনার রঙে রঙিন দিনগুলোকে ছিঁড়ে ফিরিয়ে আনতে চায় কোন্ দস্যুর কাছ থেকে ! বিদ্রোহী মন কাউকে সামনে পায় না কেন ! ভালোমানুষের মতো মাথা হেঁট করে ভাগ্যকে মেনে নেবার মেয়ে নয় ও তো । এর জন্তে কে দায়ী ! কোন্ বিশ্বব্যাপী ছেলেমানুষ ! কোন্ বিরাট পাগল ! এমন সম্পূর্ণ সৃষ্টিটাকে এতবড়ো নিরর্থকভাবে উলটপালট করে দিতে পারল কে !

বিবাহের পর দশটা বছর একটানা চলে গেল অবিমিশ্র সুখে । মনে মনে ঈর্ষা করেছে সখীরা ; মনে করেছে, ওর যা বাজারদর তার চেয়ে ও অনেক বেশি পেয়েছে । পুরুষ বন্ধুরা আদিত্যকে বলেছে 'লাকি ডগ' ।

নীরজার সংসার-সুখের পালের নোকো প্রথম যে ব্যাপার নিয়ে ধস করে একদিন তলায় ঠেকল সে ওদের 'ডলি' কুকুর-ঘটিত । গৃহিণী এ সংসারে আসবার পূর্বে ডলিই ছিল স্বামীর একলা ঘরের সঙ্গিনী । অবশেষে তার নিষ্ঠা বিভক্ত হল দম্পতির মধ্যে । ভাগে বেশি পড়েছিল নীরজার দিকেই । দরজার কাছে গাড়ি আসতে দেখলেই কুকুরটার মন যেত বিগড়িয়ে । ঘন ঘন লেজ-আন্দোলনে আসন্ন রথযাত্রার বিরুদ্ধে আপত্তি উত্থাপন করত । অনিমন্ত্রণে গাড়ির মধ্যে লাফিয়ে ওঠবার ছুঁসাহস নিরন্ত হত স্বামিনীর তর্জনীসংকেতে । দীর্ঘনিশ্বাস ফেলে লেজের কুণ্ডলীর মধ্যে নৈরাশ্রকে বেষ্টিত করে দ্বারের কাছে পড়ে থাকত । ওদের ফেরবার দেরি হলে মুখ তুলে বাতাস ভ্রাণ করে করে

ঘুরে বেড়াত, কুকুরের অব্যক্ত ভাষায় আকাশে উচ্ছ্বসিত করত
করণ প্রাণ। অবশেষে এই কুকুরকে হঠাৎ কী রোগে ধরলে ;
শেষ পর্যন্ত ওদের মুখের দিকে কাতর দৃষ্টি স্তব্ধ রেখে নীরজার
কোলে মাথা দিয়ে মারা গেল।

নীরজার ভালোবাসার ছিল প্রচণ্ড জেদ। সেই ভালোবাসার
বিরুদ্ধে বিধাতারও হস্তক্ষেপ তার কল্পনার অতীত। এতদিন
অনুকূল সংসারকে সে নিঃসংশয়ে বিশ্বাস করেছে। আজ পর্যন্ত
বিশ্বাস নড়বার কারণ ঘটে নি। কিন্তু আজ ডলির পক্ষেও যখন
মরা অভাবনীয়রূপে সম্ভবপর হল তখন ওর দুর্গের প্রাচীরে প্রথম
ছিদ্র দেখা দিল। মনে হল, এটা অলক্ষণের প্রথম প্রবেশদ্বার।
মনে হল, বিশ্বসংসারের কর্মকর্তা অব্যবস্থিতচিত্ত— তাঁর আপাত-
প্রত্যক্ষ প্রসাদের উপরেও আর আস্থা রাখা চলে না।

নীরজার সম্ভান হবার আশা সবাই ছেড়ে দিয়েছিল। ওদের
আশ্রিত গণেশের ছেলেটাকে নিয়ে যখন নীরজার প্রতিহত
স্নেহবৃত্তির প্রবল আলোড়ন চলেছে, আর ছেলেটা যখন তার
অশান্ত অভিঘাত আর সইতে পারছে না, এমন সময় ঘটল
সম্ভান-সম্ভাবনা। ভিতরে ভিতরে মাতৃহৃদয় উঠল ভরে, ভাবী-
কালের দিগন্ত উঠল নবজীবনের প্রভাত-আভায় রক্তিম হয়ে,
গাছের তলায় বসে বসে আগন্তকের জগ্বে নানা অলংকরণে
নীরজা লাগল সেলাইয়ের কাজে।

অবশেষে এল প্রসবের সময়। ধাত্রী বুঝতে পারলে আসন্ন
সংকট। আদিত্য এত বেশি অস্থির হয়ে পড়ল যে ডাক্তার

ভৎসনা করে তাকে দূরে ঠেকিয়ে রাখলে। অস্ত্রাঘাত করতে হল, শিশুকে মেরে জননীকে বাঁচালে। তার পর থেকে নীরজা আর উঠতে পারলে না। বালুশয্যাশায়িনী বৈশাখের নদীর মতো তার স্বল্পরক্ত দেহ ক্লান্ত হয়ে রইল পড়ে। প্রাণশক্তির অজস্রতা একেবারেই হল নিঃশ্ব। বিজ্ঞানার সামনে জানলা খোলা, তপ্ত হাওয়ায় আসছে মুচকুন্দ ফুলের গন্ধ, কখনো বাতাবিকুলের নিশ্বাস—যেন তার সেই পূর্বকালের দূরবর্তী বসন্তের দিন মূছকঠে তাকে জিজ্ঞাসা করছে ‘কেমন আছ’।

সকলের চেয়ে তাকে বাজল যখন দেখলে বাগানের কাজে সহযোগিতার জন্তে আদিত্যের দূরসম্পর্কীয় বোন সরলাকে আনাতে হয়েছে। খোলা জানলা থেকে যখনি সে দেখে অন্ন ও রেশমের কাজ-করা একটা টোকা মাথায় সরলা বাগানের মালীদের খাটিয়ে বেড়াচ্ছে তখন নিজের অকর্মণ্য হাত-পা-গুলোকে সহ করতে পারত না। অথচ স্তম্ভ অবস্থায় এই সরলাকেই প্রত্যেক ঋতুতে নিমন্ত্রণ করে পাঠিয়েছে নতুন চার-রোপণের উৎসবে। ভোরবেলা থেকে কাজ চলত। তার পরে ঝিলে সাঁতার কেটে স্নান, তার পরে গাছের তলায় কলাপাতায় খাওয়া, একটা গ্র্যামোফোনে বাজত দিশি-বিদিশি সংগীত। মালীদের জুটত দই চিঁড়ে সন্দেশ। তেঁতুলতলা থেকে তাদের কলরব শোনা যেত। ক্রমে বেলা আসত নেমে, ঝিলের জল উঠত অপরাহ্নের বাতাসে শিউরিয়ে, পাখি ডাকত বকুলের ডালে, আনন্দময় ক্লাস্তিতে হত দিনের অবসান।

ওর মনের মধ্যে যে রস ছিল নিছক মিষ্ট আজ কেন সে হয়ে গেল কটু। যেমন আজকালকার দুর্বল শরীরটা ওর অপরিচিত তেমনি এখনকার তীব্র নীরস স্বভাবটাও ওর চেনা স্বভাব নয়। সে স্বভাবে কোনো দাক্ষিণ্য নেই। এক-একবার এই দারিদ্র্য ওর কাছে স্পষ্ট হয়ে ওঠে, লজ্জা জাগে মনে, তবু কোনোমতে সামলাতে পারে না। ভয় হয়, আদিত্যের কাছে এই হীনতা ধরা পড়ছে বুঝি; কোন্‌দিন হয়তো সে প্রত্যক্ষ দেখবে নীরজার আজকালকার মনখানা বাতুড়ের চক্ষুক্ষত ফলের মতো, ভদ্রপ্রয়োজনের অযোগ্য।

বাজল ছুপুরের ঘণ্টা। মালীরা গেল চলে। সমস্ত বাগানটা নির্জন। নীরজা দূরের দিকে তাকিয়ে রইল, যেখানে ছুরাশার মরীচিকাও স্বাভাস দেয় না, যেখানে ছায়াহীন রৌদ্রে শূন্যতার পরে শূন্যতার অনুবৃত্তি।

“জামাইবাবুকে বলিস নে কেন?”

“আমি বলবার কে! মান বাঁচিয়ে চলতে হবে তো। ভুমি বলো না কেন? তোমারই তো সব।”

“হোক-না, হোক-না, বেশ তো। চলুক-না এমনি কিছুদিন, তার পরে যখন ছারখার হয়ে আসবে আপনি পড়বে ধরা। একদিন বোঝবার সময় আসবে, মায়ের চেয়ে সৎমায়ের ভালোবাসা বড়ো নয়। চুপ করে থাক-না।”

“কিন্তু তাও বলি খোঁখী, তোমার ঐ হল মালীটাকে দিয়ে কোনো কাজ পাওয়া যায় না।”

হলার কাজে ঔদাসীত্বই যে আয়ার একমাত্র বিরক্তির কারণ তা নয়, ওর উপরে নীরজার স্নেহ অসংগতরূপে বেড়ে উঠেছে এই কারণটাই সব চেয়ে গুরুতর।

নীরজা বললে, “মালীকে দোষ দিই নে। নতুন মনিবকে সহিতে পারবে কেন? ওদের হল সাত-পুরুষে মালীগিরি, আর তোমার দিদিমণির বই-পড়া বিত্তে—ছকুম করতে এলে সে কি মানায়? হল ছিষ্টিছাড়া আইন মানতে চায় না, আমার কাছে এঙ্গে নালিশ করে। আমি বলি, কানে আনিস নে কথা, চুপ করে থাক।”

“সেদিন জামাইবাবু ওকে ছাড়িয়ে দিতে গিয়েছিল।”

“কেন, কী জন্তে?”

“ও বসে বসে বিড়ি টানছে, আর ওর সামনে বাইরের গোরু এসে গাছ খাচ্ছে। জামাইবাবু বললে, ‘গোরু তাড়াস নে কেন?’

ও মুখের উপর জবাব করলে, 'আমি তাড়াব গোরু ! গোরুই তো তাড়া করে আমাকে । আমার প্রাণের ভয় নেই !' ”

শুনে হাসলে নীরজা ; বললে, “ওর ঐরকম কথা । তা যাই হোক, ও আমার আপন-হাতে তৈরি ।”

“জামাইবাবু তোমার খাতিরেই তো ওকে সয়ে যায়, তা গোরুই ঢুকুক আর গণ্ডারই তাড়া করুক । এতটা আবদার ভালো নয়, তাও বলি ।”

“চুপ কর্ রোশ্‌নি ! কী ছুখে ও গোরু তাড়ায় নি সে কি আমি বুঝি নে ? ওর আঙুন জ্বলছে বুকে । ঐ যে হল মাথায় গামছা দিয়ে কোথায় চলেছে । ডাক্ তো ওকে ।”

আয়ার ডাকে হলধর মালী এল ঘরে । নীরজা জিজ্ঞাসা করলে, “কী রে, আজকাল নতুন ফরমাশ কিছু আছে ?”

হলা বললে, “আছে বৈকি । শুনে হাসিও পায়, চোখে জলও আসে ।”

“কিরকম শুনি ।”

“ঐ যে সামনে মল্লিকদের পুরোনো বাড়ি ভাঙা হচ্ছে, ঐখান থেকে ইঁট পাটকেল নিয়ে এসে গাছের তলায় বিছিয়ে দিতে হবে । এই হল ওঁর লুকুম । আমি বললুম, ‘রোদের বেলায় গরম লাগবে গাছের ।’ কান দেয় না আমার কথায় ।”

“বাবুকে বলিস নে কেন ?”

“বাবুকে বলেছিলেম । বাবু ধমক দিয়ে বলে, ‘চুপ করে থাক্ ।’ বউদিদি, ছুটি দাও আমাকে, সহ হয় না আমার ।”

“তাই দেখেছি বটে, বুড়ি করে রাবিশ বয়ে আনছিলি।”

“বউদিদি, তুমি আমার চিরকালের মনিব। তোমারই চোখের সামনে আমার মাথা হেঁট করে দিলে! দেশের লোকের কাছে আমার জাত যাবে। আমি কি কুলিমজুর?”

“আচ্ছা, এখন যা। তোদের দিদিমণি যখন তোকে ইট-সুরকি বইতে বলবে আমার নাম করে বলিস, আমি বারণ করেছি। দাঁড়িয়ে রইলি যে?”

“দেশ থেকে চিঠি এসেছে, বড়ো হালের গোরুটা মারা গেছে।” বলে মাথা চুলকোতে লাগল।

নীরজা বললে, “না, মারা যায় নি, দিব্যি বেঁচে আছে। নে দুটো টাকা, আর বেশি বকিস নে।”

এই বলে টিপাইয়ের উপরকার পিতলের বাস্র থেকে টাকা বের করে দিলে।

“আবার কী?”

“বউয়ের জন্মে একখানা পুরোনো কাপড়। জয়জয়কার হবে তোমার।” এই বলে পানের-ছোপে-কালো-বর্ণ মুখ প্রসারিত করে হাসলে।

নীরজা বললে, “রোশ্‌নি, দে তো ওকে আলনার ঐ কাপড়খানা।”

রোশ্‌নি সবলে মাথা নেড়ে বললে, “সে কী কথা, ও যে তোমার ঢাকাই শাড়ি!”

“হোক-না ঢাকাই শাড়ি। আমার কাছে আজ সব শাড়িই

সমান। কবেই-বা আর পরব।”

রোশ্নি দৃঢ়মুখ করে বললে, “না, সে হবে না। ওকে তোমার সেই লালপেড়ে কলের কাপড়টা দেব। দেখ হলা, খোঁখীকে যদি এমনি জ্বালাতন করিস, বাবুকে বলে তোকে দূর করে ভাড়িয়ে দেব।”

হলা নীরজার পা ধরে কান্নার সুরে বললে, “আমার কপাল ভেঙেছে বউদিদি!”

“কেন রে, কী হয়েছে তোর?”

“আয়াজিকে মাসি বলি আমি। আমার মা নেই, এতদিন জানতেম হতভাগা হলাকে আয়াজি ভালোবাসেন। আজ বউদিদি, তোমার যদি দয়া হল উনি কেন দেন বাগড়া! কারো দোষ নয়, আমারই কপালের দোষ। নইলে তোমার হলাকে পরের হাতে দিয়ে তুমি আজ বিছানায় পড়ে!”

“ভয় নেই রে, তোর মাসি তোকে ভালোই বাসে। তুই আসবার আগেই তোর গুণগান করছিল। রোশ্নি, দে ওকে ঐ কাপড়টা, নইলে ও ধন্য দিয়ে পড়ে থাকবে।”

অত্যন্ত বিরস মুখে আয়া কাপড়টা এনে ফেলে দিলে ওর সামনে। হলা সেটা তুলে নিয়ে গড় হয়ে প্রণাম করলে। তার পরে উঠে দাঁড়িয়ে বললে, “এই গামছাটা দিয়ে মুড়ে নিই বউদিদি। আমার ময়লা হাত, দাগ লাগবে।”

সম্মতির অপেক্ষা না রেখেই আলনা থেকে তোয়ালেটা নিয়েই কাপড় মুড়ে দ্রুতপদে হলা প্রস্থান করলে।

নীরজা আয়াকে জিজ্ঞাসা করলে, “আচ্ছা আয়া, তুই ঠিক জানিস বাবু বেরিয়ে গেছেন?”

“নিজের চকে দেখলুম। কী তাড়া! টুপিটা নিতে ভুলে গেলেন।”

“আজ এই প্রথম হল। আমার সকালবেলাকার পাওনা ফুলে ফাঁকি পড়ল। দিনে দিনে এই ফাঁকি বাড়তে থাকবে। শেষকালে আমি গিয়ে পড়ব আমার সংসারের আঁস্তাকুড়ে, যেখানে নিবে-যাওয়া পোড়া কয়লার জায়গা।”

সরলাকে আসতে দেখে আয়া মুখ বাঁকিয়ে চলে গেল।

সরলা ঢুকল ঘরে। তার হাতে একটি অরকিড। ফুলটি গুঁত্র, পাপড়ির আগায় বেগুনির রেখা। যেন ডানা-মেলা মস্ত প্রজাপতি। সরলা ছিপ্‌ছিপে লম্বা, শামলা রঙ, প্রথমেই লক্ষ্য হয় তার বড়ো বড়ো চোখ উজ্জ্বল এক করুণ। মোটা খদরের শাড়ি, চুল অযত্নে বাঁধা, ল্লথ বন্ধনে নেমে পড়েছে কাঁধের দিকে। অসজ্জিত দেহ যৌবনের সমাগমকে অনাদৃত করে রেখেছে।

নীরজা তার মুখের দিকে তাকালে না। সরলা ধীরে ধীরে ফুলটি বিছানায় তার সামনে রেখে দিলে।

নীরজা বিরক্তির ভাব গোপন না করেই বললে, “কে আনতে বলেছে?”

“আদিৎদা।”

“নিজ্ঞে এলেন না যে?”

“নিয়ু মার্কেটের দোকানে ভাড়াভাড়ি যেতে হল চা খাওয়া
সেই।”

“এত ভাড়া কিসের?”

“কাল রাতে আফিসের তালা ভেঙে টাকা চুরির খবর
এসেছে।”

“টানাটানি করে কি পাঁচ মিনিটও সময় দিতে পারতেন না?”

“কাল রাতে তোমার ব্যথা বেড়েছিল। ভোরবেলায় ঘুমিয়ে
পড়েছিলে। দরজার কাছ পর্যন্ত এসে ফিরে গেলেন। আমাকে
বলে গেলেন, ছপূরের মধ্যে যদি নিজে না আসতে পারেন এই
ফুলটি যেন দিই তোমাকে।”

দিনের কাজ আরম্ভের পূর্বেই রোজ আদিত্য বিশেষ-
বাছাই-করা একটি করে ফুল স্ত্রীর বিছানায় রেখে যেত।
নীরজা প্রতিদিন তারই অপেক্ষা করেছে। আজকের দিনের
বিশেষ ফুলটি আদিত্য সরলার হাতে দিয়ে গেল। এ কথা তার
মনে আসে নি যে, ফুল দেওয়ার প্রধান মূল্য নিজের হাতে
দেওয়া। গঙ্গার জল হলেও নলের ভিতর থেকে তার সার্থকতা
থাকে না।

নীরজা ফুলটা অবজ্ঞার সঙ্গে ঠেলে দিয়ে বললে, “জান
মার্কেটে এ ফুলের দাম কত? পাঠিয়ে দাও সেখানে, মিছে নষ্ট
করবার দরকার কী?”

বলতে বলতে গলা ভার হয়ে এল।

সরলা বুঝলে ব্যাপারখানা। বুঝলে জবাব দিতে গলে

আক্ষেপের বেগ বাড়বে বৈ কমবে না। চূপ করে রইল দাঁড়িয়ে।
একটু পরে খামখা নীরজা প্রশ্ন করলে, “জান এ ফুলের নাম?”

বললেই হত ‘জানি নে’, কিন্তু বোধ করি অভিমানে ঘা
লাগল; বললে, “এমারিলিস্।”

নীরজা অস্থায় উদ্বার সঙ্গে ধমক দিলে, “ভারি তো জান
তুমি! ওর নাম প্রাপ্তিক্লোরা।”

সরলা যত্নস্বরে বললে, “তা হবে।”

“তা হবে মানে কী? নিশ্চয়ই তাই। বলতে চাও আমি
জানি নে?”

সরলা জানত নীরজা জেনে শুনেই ভুল নামটা দিয়ে
প্রতিবাদ করলে, অস্থকে জ্বালিয়ে নিজের জ্বালা উপশম করবার
জ্ঞে। নীরবে হার মেনে ধীরে ধীরে বেরিয়ে চলে যাচ্ছিল;
নীরজা ফিরে ডাকল, “শুনে যাও। কী করছিলে সমস্ত সকাল,
কোথায় ছিলে?”

“অর্কিডের ঘরে।”

নীরজা উদ্বেজিত হয়ে বললে, “অর্কিডের ঘরে তোমার
ঘন ঘন যাবার এত কী দরকার?”

“পুরোনো অর্কিড চিরে ভাগ করে নতুন অর্কিড করবার
জ্ঞে আদিৎদা আমাকে বলে গিয়েছিলেন।”

নীরজা বলে উঠল ধমক-দেওয়ার সুরে, “আনাড়ির মতো সব
নষ্ট করবে তুমি। আমি নিজের হাতে হল। মানীকে তৈরি করে
শিখিয়েছি, তাকে হুকুম করলে সে কি পারত না?”

এর উপর জবাব চলে না। এর অকপট উত্তরটা ছিল এই যে, নীরজার হাতে হল। মালীর কাজ চলত ভালোই, কিন্তু সরলার হাতে একেবারেই চলে না। এমন-কি, ওকে সে অপমান করে গুঁদাসীঘ্ন দেখিয়ে।

মালী এটা বুঝে নিয়েছিল যে, এ আমলে ঠিকমত কাজ না করলেই ও আমলের মনিব হবেন খুশি। এ যেন কলেজ বয়কট করে পাস না করার দামটাই ডিগ্রি পাওয়ার চেয়ে বড়ো হয়েছে।

সরলা রাগ করতে পারত, কিন্তু রাগ করলে না। সে বোঝে বউদিদির বুকের ভিতরটা টনটন করছে। নিঃসন্তান মায়ের সমস্ত হৃদয় জুড়েছে যে বাগান, দশ বছর পরে আজ এত কাছে আছে, তবু এই বাগানের থেকে নির্বাসন! চোখের সামনেই নির্ভুর বিচ্ছেদ!

নীরজা বললে, “দাও, বন্ধ করে দাও ঐ জানলা।”

সরলা বন্ধ করে দিয়ে জিজ্ঞাসা করলে, “এইবার কমলালেবুর রস নিয়ে আসি?”

“না, কিছু আনতে হবে না, এখন যেতে পারো।”

সরলা ভয়ে ভয়ে বললে, “মকরধ্বজ খাবার সময় হয়েছে।”

“না, দরকার নেই মকরধ্বজ। তোমার উপর বাগানের আর-কোনো কাজের ফরমাশ আছে না কি?”

“গোলাপের ডাল পুঁততে হবে।”

নীরজা একটু খোঁটা দিয়ে বললে, “তার সময় এই বুঝি!”

এ বুদ্ধি তাঁকে দিলে কে শুনি।”

সরলা যুদ্ধস্বরে বললে, “মফস্বল থেকে হঠাৎ অনেকগুলো অর্ডার এসেছে দেখে কোনোমতে আসছে বর্ষার আগেই বেশি করে গাছ বানাতে পণ করেছেন। আমি বারণ করেছিলুম।”

“বারণ করেছিলে বুঝি! আচ্ছা আচ্ছা, ডেকে দাও হল। মালীকে।”

এল হল। মালী। নীরজা বললে, “বাবু হয়ে উঠেছ? গোলাপের ডাল পুঁততে হাতে খিল ধরে! দিদিমণি তোমার অ্যাসিস্টেন্ট মালী না কি? বাবু শহর থেকে ফেরবার আগেই যতগুলো প্যারিস ডাল পুঁতবি, আজ তোদের ছুটি নেই বলে দিচ্ছি। পোড়া ঘাসপাতার সঙ্গে বালি মিশিয়ে জমি তৈরি করে নিস ঝিলের ডান পাড়িতে।”

মনে মনে স্থির করলে এইখানে শুয়ে শুয়েই গোলাপের গাছ সে তৈরি করে তুলবেই। হল। মালীর আর নিষ্কৃতি নেই।

হঠাৎ হল। প্রশ্রয়ের হাসিতে মুখ ভরে বললে, “বউদিদি, এই একটা পিতলের ঘটা। কটকের হরমন্দের মাইতির তৈরি। এ জিনিসের দরদ তুমিই বুঝবে। তোমার ফুলদানি মানাবে ভালো।”

নীরজা জিজ্ঞাসা করলে, “এর দাম কত?”

জিত কেটে হল। বললে, “এমন কথা বোলো না। এ ঘটার আবার দাম নেব! গরিব আমি, তা বলে তো ছোটোলোক নই। তোমারই খেয়ে-পায়ে যে মানুষ।”

ঘটা টিপাইয়ের উপর রেখে অশ্ব ফুলদানি থেকে ফুল নিয়ে সাজাতে লাগল। অবশেষে যাবার-মুখো হয়ে ফিরে দাঁড়িয়ে বললে, “তোমাকে জানিয়েছি, আমার ভাগনির বিয়ে। বাজু-বন্ধর কথা ভুলো না বউদিদি! পিতলের গয়না যদি দিই তোমারই নিন্দে হবে। এতবড়ো ঘরের মালী, তারই ঘরে বিয়ে, দেশসুদ্ধ লোক তাকিয়ে আছে।”

নীরজা বললে, “আচ্ছা, তোর ভয় নেই, তুই এখন যা।”

হলা চলে গেল। নীরজা হঠাৎ পাশ ফিরে বালিশে মাথা রেখে গুমরে উঠে বলে উঠল, “রোশ্‌নি, রোশ্‌নি, আমি ছোটো হয়ে গেছি, ঐ হলা মালীর মতোই হয়েছে আমার মন।”

আয়া বললে, “ও কী বলছ খোঁশী, ছি ছি!”

নীরজা আপনিই বলতে লাগল, “আমার পোড়া কপাল আমাকে বাইরে থেকে নামিয়ে দিয়েছে, আবার ভিতর থেকে নামিয়ে দিলে কেন? আমি কি জানি নে আমাকে হলা আজ কী চোখে দেখছে! আমার কাছে লাগালাগি করে হাসতে হাসতে বকশিশ নিয়ে চলে গেল। ওকে ডেকে দে। খুব করে ওকে ধমকে দেব, ওর শয়তানি ঘোচাতে হবে।”

আয়া যখন হলাকে ডাকবার জন্যে উঠল নীরজা বললে, “ধাক্‌ থাক্‌, আজ থাক্‌।”

কিছুক্ষণ পরে ওর খুড়তুতো দেওর রমেন এসে বললে, “বউদি, দাদা পাঠিয়ে দিলেন। আজ আফিসে কাজের ভিড়, হোটেল খাবেন, দেরি হবে ফিরতে।”

নীরজা হেসে বললে, “খবর দেবার ছুতো করে এক দৌড়ে ছুটে এসেছ ঠাকুরপো! কেন, আফিসের বেহারাটা মরেছে বুঝি?”

“তোমার কাছে আসতে তুমি ছাড়া অন্য ছুতোর দরকার किसের বউদি? বেহারা বেটা কী বুঝবে এই দূত-পদের দরদ?”

“ওগো, মিষ্টি ছড়াচ্ছ অস্থানে। এ ঘরে এসেছ কোন্ ভুলে? তোমার মালিনী আছেন আজ একাকিনী নেবুকুঞ্জ-বনে, দেখো গে যাও।”

“কুঞ্জবনের বনলক্ষ্মীকে দর্শনী দিই আগে, তার পরে যাব মালিনীর সন্ধানে।” এই বলে বুকের পকেট থেকে একখানা গল্পের বই বের করে নীরজার হাতে দিল।

নীরজা খুশি হয়ে বললে, “‘অশ্রু-শিকল’— এই বইটাই চাচ্ছিলুম। আশীর্বাদ করি, তোমার মালঞ্চের মালিনী চিরদিন বুকের কাছে বাঁধা থাক্ হাসির শিকলে। ঐ যাকে তুমি বলো তোমার কল্পনার দোসর, তোমার স্বপ্নসঙ্গিনী। কী সোহাগ গো!”

রমেন হঠাৎ বললে, “আচ্ছা বউদি, একটা কথা জিজ্ঞাসা

করি, ঠিক উত্তর দিয়ে।”

“কী কথা?”

“সরলার সঙ্গে আজ কি তোমার ঝগড়া হয়ে গেছে?”

“কেন বলো তো।”

“দেখলুম, ঝিলের ধারে ঘাটে চুপ করে সে বসে আছে। মেয়েদের তো পুরুষদের মতো কাজ-পালানো উড়ো মন নয়। এমন বেকার দশা আমি সরলার কোনোদিন দেখি নি। জিজ্ঞাসা করলুম, ‘মন কোন্ দিকে?’ ও বললে, ‘যে দিকে তপ্ত হাওয়া গুঞ্জনো পাতা ওড়ায় সেই দিকে।’ আমি বললুম, ‘ওটা হল হেঁয়ালি। স্পষ্ট ভাষায় কথা কও।’ সে বললে, ‘সব কথারই ভাষা আছে?’ আবার দেখি হেঁয়ালি। তখন গানের বুলিটা মনে পড়ল ‘কাহার বচন দিয়েছে বেদন’।”

“হয়তো তোমার দাদার বচন।”

“হতেই পারে না। দাদা যে পুরুষ মানুষ। সে তোমার ঐ মালীগুলোকে হুংকার দিতে পারে। কিন্তু ‘পুষ্পরাশা-বিবাগ্নিঃ’ এও কি সম্ভব হয়?”

“আচ্ছা, বাজে কথা বকতে হবে না। একটা কাজের কথা বলি, আমার অনুরোধ রাখতেই হবে। দোহাই তোমার, সরলাকে তুমি বিয়ে করো। আইবড়ো মেয়েকে উদ্ধার করলে মহাপুণ্য।”

“পুণ্যের লোভ রাখি নে, কিন্তু ঐ কণ্ঠার লোভ রাখি, এ কথা বলছি তোমার কাছে হলফ করে।”

“তা হলে বাধাটা কোথায়? ওর কি মন নেই?”

“সে কথা জিজ্ঞাসাও করি নি। বলেইছি তো ও আমার কল্পনার দোসরই থাকবে, সংসারের দোসর হবে না।”

হঠাৎ তাঁর আগ্রহের সঙ্গে নীরজা রমেনের হাত চেপে ধরে বললে, “কেন হবে না, হতেই হবে। মরবার আগে তোমাদের বিয়ে দেখবই, নইলে ভূত হয়ে তোমাদের জ্বালাতন করব বলে রাখছি।”

নীরজার ব্যগ্রতা দেখে রমেন বিস্মিত হয়ে কিছুক্ষণ তার মুখের দিকে রইল চেয়ে। শেষকালে মাথা নেড়ে বললে, “বউদি, আমি সম্পর্কে ছোটো, কিন্তু বয়সে বড়ো। উড়ে বাতাসে আগাছার বীজ আসে ভেসে, প্রশ্রয় পেলে শিকড় ছড়ায়, তার পরে আর ওপড়ায় কার সাধি।”

“আমাকে উপদেশ দিতে হবে না। আমি তোমার গুরুজন, তোমাকে উপদেশ দিচ্ছি, বিয়ে করো। দেরি কোরো না। এই ফাল্গুন মাসে ভালো দিন আছে।”

“আমার পাঁজিতে তিনশো পঁয়ষট্টি দিনই ভালো দিন। কিন্তু দিন যদি বা থাকে রাস্তা নেই। আমি একবার গেছি জেলে, এখানে আছে পিছল পথে জেলের কবলটার দিকে। ও পথে প্রজাপতির পেয়াদার চল নেই।”

“এখনকার মেয়েরাই বুঝি জেলখানাকে ভয় করে?”

“না করতে পারে, কিন্তু সপ্তপদী গমনের রাস্তা ওটা নয়। ও রাস্তায় বধুকে পাশে না রেখে মনের মধ্যে রাখলে জোর পাওয়া যায়। রইল চিরদিন আমার মনে।”

হরলিক্‌স্‌ ছুধের পাত্র টিপাইয়ের উপর রেখে সরলা চলে যাচ্ছিল। নীরজা বললে, “যেয়ো না, শোনো সরলা, এই ফোটোগ্রাফটা কার? - চিনতে পার?”

সরলা বললে, “ও তো আমার।”

“তোমার সেই আগেকার দিনের ছবি। যখন তোমার জেঠামশায়ের ওখানে তোমরা ছুজনে বাগানের কাজ করতে। দেখে মনে হচ্ছে, বয়সে পনেরো হবে। মরাঠি মেয়ের মতো মালকৌঁচা দিয়ে শাড়ি পরেছ।”

“এ তুমি কোথা থেকে পেলে?”

“দেখেছিলুম ওর একটা ডেস্কের মধ্যে, তখন ভালো করে লক্ষ্য করি নি। আজ সেখান থেকে আনিয়ে নিয়েছি। ঠাকুরপো, তখনকার চেয়ে সরলাকে এখন আরো অনেক ভালো দেখতে হয়েছে। তোমার কী মনে হয়?”

রমেন বললে, “তখন কি কোনো সরলা কোথাও ছিল? অন্তত আমি তাকে জানতুম না। আমার কাছে এখনকার সরলাই একমাত্র সত্য। তুলনা করব কিসের সঙ্গে?”

নীরজা বললে, “ওর এখনকার চেহারা হৃদয়ের কোন্‌ একটা রহস্যে ঘন হয়ে ভরে উঠেছে— যেন যে মেঘ ছিল সাদা তার ভিতর থেকে শ্রাবণের জল আজ ঝরি-ঝরি করছে— একেই তোমরা রোম্যান্টিক বল, না ঠাকুরপো?”

সরলা চলে যেতে উদ্বৃত্ত হল; নীরজা তাকে বললে, “সরলা, একটু বোসো। ঠাকুরপো, একবার পুরুষ-মানুষের চোখ দিয়ে

সরলাকে দেখে নিই। ওর কী সকলের আগে চোখে পড়ে বলো দেখি।”

রমেন বললে, “সমস্তটাই একসঙ্গে।”

“নিশ্চয়ই ওর চোখ ছুটো; কেমন একরকম গভীর করে চাইতে জানে। না, উঠো না সরলা! আর-একটু বোসো। ওর দেহটাও কেমন নিরেট নিটোল।”

“তুমি কি ওকে নিলেম করতে বসেছ না কি বউদি? জ্ঞানই তো অমনিতেই আমার উৎসাহের কিছু কমতি নেই।”

নীরজা দালালির উৎসাহে বলে উঠল, “ঠাকুরপো, দেখো সরলার হাত ছুখানি, যেমন জোরালো তেমনি সুডোল কোমল, তেমনি তার স্ত্রী। এমনটি আর দেখেছ?”

রমেন হেসে বললে, “আর-কোথাও দেখেছি কি না তার উত্তরটা তোমার মুখের সামনে রুঢ় শোনাবে।”

“অমন ছুটি হাতের 'পরে দাবি করবে না?”

“চিরদিনের দাবি নাই করলেম, ক্ষণে ক্ষণে দাবি করে থাকি। তোমাদের ঘরে যখন চা খেতে আসি তখন চায়ের চেয়ে বেশি কিছু পাই ঐ হাতের গুণে। সেই রসগ্রহণে পাণিগ্রহণের যেটুকু সম্পর্ক থাকে অভাগার পক্ষে সেই যথেষ্ট।”

সরলা মোড়া ছেড়ে উঠে পড়ল। ঘর থেকে বেরোবার উপক্রম করতেই রমেন দ্বার আগলে বললে, “একটা কথা দাও, তবে পথ ছাড়ব।”

“কী, বলো।”

“আজ গুল্লা চতুর্দশী। আমি মুসাফির আসব তোমার বাগিচায়, কথা যদি থাকে তবু কইবার দরকারই হবে না। আকাল পড়েছে, পেট ভরে দেখাই জোটে না। হঠাৎ এই ঘরে মুষ্টিভিকার দেখা— এ মঞ্জুর নয়। আজ তোমাদের গাছতলায় বেশ একটু রয়ে সয়ে মনটা ভরিয়ে নিতে চাই।”

সরলা সহজ সুরেই বললে, “আচ্ছা, এসো তুমি।”

রমেন খাটের কাছে ফিরে এসে বললে, “তবে আসি বউদি।”

“আর থাকবার দরকার কী! বউদিদির যে কাজটুকু ছিল সে তো সারা হল।”

রমেন চলে গেল।

রমেন চলে গেলে নীরজা হাতের মধ্যে মুখ লুকিয়ে বিছানায় পড়ে রইল। ভাবতে লাগল, এমন মন-মাতানো দিন তারও ছিল। কত বসন্তের রাতকে সে উতলা করেছে। সংসারের বারো-আনা মেয়ের মতো সে কি ছিল স্বামীর ঘরকন্নার আসবাব? বিছানায় শুয়ে শুয়ে কেবলই মনে পড়ে, কতদিন তার স্বামী তার অলক ধরে টেনে আর্দ্র কর্তে বলেছে ‘আমার রঙমহলের সার্কি’। দশ বছরে রঙ একটু ম্লান হয় নি, পেয়ালি ছিল ভরা। তার স্বামী তাকে বলত, ‘সেকালে মেয়েদের পায়ের ছোঁয়া লেগে ফুল ধরত অশোকে, মুখমদের ছিটে পেলে বকুল উঠত ফুটে, আমার বাগানে সেই কালিদাসের কাল দিয়েছে ধরা। যে পথে রোজ তোমার পা পড়ে তারই ছু ধারে ফুল ফুটেছে রঙে রঙে; বসন্তের হাওয়ায় দিয়েছ মদ ছড়িয়ে, গোলাপ-বনে লেগেছে তার নেশা।’ কথায় কথায় সে বলত, ‘তুমি না থাকলে এই ফুলের স্বর্গে বেনের দোকান বৃত্রাস্বর হয়ে দখল জমাত। আমার ভাগ্যগুণে তুমি আছ নন্দনবনের ইন্দ্রাণী।’ হয় রে, যৌবন তো আজও ফুরোয় নি, কিন্তু চলে গেল তার মহিমা। তাই তো ইন্দ্রাণী আপন আসন আজ ভরাতে পারছে না। সেদিন ওর মনে কোথাও কি ছিল লেশমাত্র ভয়? সে যেখানে ছিল সেখানে আর কেউই ছিল না, ওর আকাশে ও ছিল সকালবেলার অরুণোদয়ের মতো পরিপূর্ণ একা। আজ

কোনোখানে একটু ছায়া দেখলেই বুক ছুর্ছুর্ করে উঠছে, নিজের উপর আর ভরসা নেই। নইলে কে ঐ সরলা, কিসের ওর গুমর! আজ তাকে নিয়েও সন্দেহে মন ছলে উঠছে। কে জানত বেলা না ফুরোতেই এত দৈন্য ঘটবে কপালে! এত দিন ধরে এত সুখ এত গৌরব অজস্র দিয়ে অবশেষে বিধাতা এমন করে চোরের মতো সিঁধ কেটে দস্তাপহরণ করলেন!

“রোশ্‌নি, শুনে যা।”

“কী খোঁখী?”

“তোদের জামাইবাবু একদিন আমাকে ডাকত ‘রঙমহলের রঙ্গিনী’। দশ বছর আমাদের বিয়ে হয়েছে, সেই রঙ তো এখনো ফিকে হয় নি, কিন্তু সেই রঙমহল?”

“ঘাবে কোথায়, আছে তোমার মহল। কাল তুমি সারারাত ঘুমোও নি, একটু ঘুমোও তো, পায়ে হাত বুলিয়ে দিই।”

“রোশ্‌নি, আজ তো পূর্ণিমার কাছাকাছি। এমন কত জ্যোৎস্নারাত্রে ঘুমোই নি। ছুঁজনে বেড়িয়েছি বাগানে। সেই জাগা আর এই জাগা! আজ তো ঘুমোতে পারলে বাঁচি, কিন্তু পোড়া ঘুম আসতে চায় না যে।”

“একটু চুপ করে থাকো দেখি, ঘুম আপনি আসবে।”

“আচ্ছা, ওরো কি বাগানে বেড়ায় জ্যোৎস্নারাত্রে?”

“ভোরবেলাকার চালানের জন্ম ফুল কাটতে দেখেছি। বেড়াবে কখন, সময় কোথায়?”

“মালীগুলো আজকাল খুব ঘুমোচ্ছে। তা হলে মালীদের

বুঝি জাগায় না ইচ্ছে করেই ?”

“তুমি নেই, এখন ওদের গায়ে হাত দেয় কার সাধ্যি ?”

“ঐ না গুনলেম গাড়ির শব্দ ?”

“হাঁ, বাবুর গাড়ি এল ।”

“হাত-আয়নাটা এগিয়ে দে । বড়ো গোলাপটা নিয়ে আয় ফুলদানি থেকে । সেফ্টিপিনের বাস্কেটটা কোথায় দেখি । আজ আমার মুখ বড়ো ফ্যাকাশে হয়ে গেছে । যা তুই ঘর থেকে ।”

“যাচ্ছি, কিন্তু দুধ-বার্লি পড়ে আছে, খেয়ে নাও লন্সীটি !”

“থাক্ পড়ে, খাব না ।”

“তু দাগ শুধু তোমার আজ খাওয়া হয় নি ।”

“তোার বকতে হবে না, তুই যা বলছি, ঐ জানলাটা খুলে দিয়ে যা ।”

আয়া চলে গেল । ঢ ঢ করে তিনটে বাজল । আরক্ত হয়ে এসেছে রোদহরের রঙ, ছায়া হেলে পড়েছে পুব দিকে, বাতাস এল দক্ষিণ থেকে, ঝিলের জল উঠল টল্‌টল্ করে । মালীরা লেগেছে কাজে, নীরজা দূর থেকে যতটা পারে তাই দেখে ।

ক্রমপদে আদিত্য ছুটে এল ঘরে । হাত জোড়া বাসন্তী রঙের দেশি ল্যাভার্নম ফুলের মঞ্জরিতে । তাই দিয়ে ঢেকে দিল নীরজার পায়ের কাছটা । বিছানায় বসেই তার হাত চেপে ধরে বললে, “আজ কতক্ষণ তোমাকে দেখি নি নীরু !”

শুনে নীরজা আর থাকতে পারলে না, ফুঁপিয়ে ফুঁপিয়ে কেঁদে উঠল । আদিত্য খাটের থেকে নেমে মেজের উপর হাঁটু

গেড়ে নীরজার গলা জড়িয়ে ধরলে, তার ভিজে গালে চুমো খেয়ে বললে, “মনে মনে তুমি নিশ্চয় জান আমার দোষ ছিল না।”

“অত নিশ্চয় করে কী করে জানব বলো। আমার কি আর সেদিন আছে?”

“দিনের কথা হিসেব করে কী হবে। তুমি তো আমার সেই তুমিই আছ।”

“আজ যে আমার সকল-তাতেই ভয় করে। জোর পাই নে যে মনে।”

“অল্প একটু ভয় করতে ভালো লাগে। না? খোঁটা দিয়ে আমাকে একটুখানি উস্কিয়ে দিতে চাও। এ চাতুরী মেয়েদের স্বভাবসিদ্ধ।”

“আর ভুলে-যাওয়া বুদ্ধি পুরুষদের স্বভাবসিদ্ধ নয়?”

“ভুলতে ফুরসত দাও কই?”

“বোলো না, বোলো না, পোড়া বিধাতার শাপে লক্ষ্য ফুরসত দিয়েছি যে।”

“উলটো বললে। সুখের দিনে ভোলা যায়, ব্যথার দিনে নয়।”

“সত্যি বলো, আজ সকালে তুমি ভুলে চলে যাও নি?”

“কী কথা বলো তুমি। চলে যেতে হয়েছিল, কিন্তু যতক্ষণ না ফিরেছি মনে স্বস্তি ছিল না।”

“কেমন করে বসেছ তুমি। তোমার পা ছটো বিছানায় ভোলো।”

“বেড়ি দিতে চাও পাছে পালাই ?”

“হাঁ, বেড়ি দিতে চাই। জনমে মরণে তোমার পা ছুখানি
নিঃসন্দেহে রইল আমার কাছে বাঁধা।”

“মাঝে মাঝে একটু একটু সন্দেহ করো, তাতে আদরের
স্বাদ বাড়ায়।”

“না, একটুও সন্দেহ না। এতটুকুও না। তোমার মতো
এমন স্বামী কোন্ মেয়ে পেয়েছে? তোমাকেও সন্দেহ, তাতে
ষে আমাকেই ধিক্কার।”

“আমিই তা হলে তোমাকে সন্দেহ করব, নইলে জন্মে
না নাটক।”

“তা করো, কোনো ভয় নেই। সেটা হবে প্রহসন।”

“বাই বল, আজ কিন্তু রাগ করছিলে আমার 'পরে।”

“কেন আবার সে কথা! শাস্তি তোমাকে দিতে হবে না—
নিজের মধ্যেই তার দণ্ডবিধান।”

“দণ্ড কিসের জন্ত! রাগের তাপ যদি মাঝে মাঝে দেখা না
দেয় তা হলে বুঝব ভালোবাসার নাড়ী ছেড়ে গেছে।”

“যদি কোনোদিন ভুলে তোমার উপরে রাগ করি নিশ্চয়
জেনো, সে আমি নয়, কোনো অপদেবতা আমার উপরে ভর
করেছে।”

“অপদেবতা আমাদের সকলেরই একটা করে থাকে, মাঝে
মাঝে অকারণে জানান দেয়! সুবুদ্ধি যদি আসে রাখ-নাখ
করি, দেয় সে দৌড়।”

আয়া ঘরে এল। বললে, “জামাইবাবু, আজ সকাল থেকে খোঁখী ছুধ খায় নি, ওষুধ খায় নি, মালিশ করে নি। এমন করলে আমরা ওর সঙ্গে পারব না।”

বলেই হন্ হন্ করে হাত ছুলিয়ে চলে গেল।

গুনেই আদিত্য দাঁড়িয়ে উঠল; বললে, “এবার তবে আমি রাগ করি।”

“হাঁ, করো, খুব রাগ করো, যত পার রাগ করো— অন্ডায় করেছি— কিন্তু মাপ করো তার পরে।”

আদিত্য দরজার কাছে এসে ডাক দিতে লাগল, “সরলা! সরলা!”

গুনেই নীরজার শিরায় শিরায় যেন ঝন্ ঝন্ করে উঠল। বুঝলে, বেঁধানো কাঁটায় হাত পড়েছে।

সরলা এল ঘরে। আদিত্য বিরক্ত হয়ে প্রশ্ন করলে, “নীরুকে ওষুধ দাও নি আজ, সারাদিন কিছু খেতেও দেওয়া হয় নি?”

নীরজা বলে উঠল, “ওকে বকছ কেন? ওর দোষ কী? আমিই ছুঁছুঁমি করে খাই নি, আমাকে বকো-না। সরলা, তুমি যাও। মিছে কেন দাঁড়িয়ে বকুনি খাবে?”

“যাবে কী, ওষুধ বের করে দিক। হর্লিক্স্ মিক্স তৈরি করে আনুক।”

“আহা, সমস্ত দিন ওকে মালীর কাজে খাটিয়ে মার’, তার উপরে আবার নার্সের কাজ কেন? একটু দয়া হয় না তোমার

মনে ? আয়াকে ডাকো-না ।”

“আয়া কি ঠিকমত পারবে এ-সব কাজ ?”

“ভারি তো কাজ, খুব পারবে । আরো ভালোই পারবে ।”

“কিন্তু—”

“কিন্তু আবার কিসের ? আয়া ! আয়া !”

“অত উদ্বেজিত হোয়ো না । একটা বিপদ ঘটাবে দেখছি !”

“আমি আয়াকে ডেকে দিচ্ছি” বলে সরলা চলে গেল ।
নীরঞ্জার কথার যে একটা প্রতিবাদ করবে, সেও তার মুখে
এল না । আদিত্যও মনে মনে আশ্চর্য হল ; ভাবলে, সরলাকে
কি সত্যিই অন্তায় খাটানো হচ্ছে !

ওষুধ পথ্য হয়ে গেলে আদিত্য আয়াকে বললে, “সরলা-
দিদিকে ডেকে দাও ।”

“কথায় কথায় কেবলই সরলাদিদি, বেচারাকে তুমি অস্থির
করে তুলবে দেখছি ।”

“কাজের কথা আছে ।”

“থাক্-না এখন কাজের কথা ।”

“বেশিক্ষণ লাগবে না ।”

“সরলা মেয়েমানুষ, ওর সঙ্গে এত কাজের কথা কিসের ?
তার চেয়ে হুলা মালীকে ডাকো-না ।”

“তোমাকে বিয়ে করবার পর থেকে একটা কথা আবিষ্কার
করেছি যে মেয়েরাই কাজের, পুরুষেরা হাড়ে অকেজো । আমরা
কাজ করি দায়ে পড়ে, তোমরা কাজ করো প্রাণের উৎসাহে ।

এই সম্বন্ধে একটা খাঁসিস লিখব মনে করেছি। আমার ডায়রি থেকে বিস্তর উদাহরণ পাওয়া যাবে।”

“সেই মেয়েকেই আজ তার প্রাণের কাজ থেকে বঞ্চিত করেছে যে বিধাতা তাকে কী বলে নিন্দে করব? ভূমিকম্পে ছড়-মুড় করে আমার কাজের চূড়া পড়েছে ভেঙে, তাই তো পোড়ো বাড়িতে ভূতের বাসা হল।”

সরলা এল। আদিত্য জিজ্ঞাসা করলে, “অর্কিড-ঘরের কাজ হয়ে গেছে?”

“হাঁ, হয়ে গেছে।”

“সবগুলো?”

“সবগুলোই।”

“আর, গোলাপের কাটিং?”

“মালী তার জমি তৈরি করেছে।”

“জমি! সে তো আমি আগেই তৈরি করে রেখেছি। হল। মালীর উপর ভার দিয়েছ, তা হলেই দাঁতন-কাঠিয় চাষ হবে আর-কি!”

কথাটাতে তাড়াতাড়ি বাধা দিয়ে নীরজা বললে, “সরলা, যাও তো— কমলালেবুর রস করে নিয়ে এসো গে, তাতে একটু আদার রস দিয়ে, আর মধু।”

সরলা মাথা হেঁট করে ঘর থেকে বেরিয়ে গেল।

নীরজা জিজ্ঞাসা করলে, “আজ তুমি ভোরে উঠেছিলে যেমন আমরা রোজ উঠতুম?”

“হাঁ, উঠেছিলুম।”

“ঘড়িতে তেমনি এলারমের দম দেওয়া ছিল?”

“ছিল বৈকি।”

“সেই নিমগাছতলায় সেই কাটা গাছের গুঁড়ি। তার উপরে চায়ের সরঞ্জাম। সব ঠিক রেখেছিল বাস্তু?”

“রেখেছিল। নইলে খেসারতের দাবিতে নালিশ রুজু করতুম তোমার আদালতে।”

“ছোটো চৌকিই পাতা ছিল?”

“পাতা ছিল সেই আগেকার মতোই। আর ছিল সেই নীল-পাড়-দেওয়া বাসন্তী রঙের চায়ের সরঞ্জাম; ছুধের জ্যগ রুপোর, ছোটো সাদা পাথরের বাটিতে চিনি, আর ড্রাগন-আঁকা জাপানি ট্রে।”

“অন্য চৌকিটা খালি রাখলে কেন?”

“ইচ্ছে করে রাখি নি। আকাশে তারাগুলো গোনাগুন্‌তি ঠিকই ছিল, কেবল গুরু পঞ্চমীর চাঁদ রইল দিগন্তের বাইরে। স্মযোগ থাকলে তাকে আনতেম ধরে।”

“সরলাকে কেন ডাক না তোমার চায়ের টেবিলে?”

এর উত্তরে বললেই হত, ‘তোমার আসনে আর কাউকে ডাকতে মন যায় না।’ সত্যবাদী তা না বলে বললে, “সকাল-বেলায় বোধ হয় সে জপ তপ কিছু করে, আমার মতো ভজন-পূজনহীন ম্লেচ্ছ তো নয়।”

“চা খাওয়ার পরে আজ বুঝি অর্কিড-ঘরে তাকে নিয়ে

গিয়েছিলে ?”

“হাঁ, কিছু কাজ ছিল, ওকে বুঝিয়ে দিয়েই ছুটতে হল দোকানে।”

“আচ্ছা, একটা কথা জিজ্ঞাসা করি, সরলার সঙ্গে রমেনের বিয়ে দাও না কেন ?”

“ঘটকালি কি আমার ব্যাবসা ?”

“না, ঠাট্টা নয়। বিয়ে তো করতেই হবে, রমেনের মতো পাত্র পাবে কোথায় ?”

“পাত্র আছে এক দিকে, পাত্রীও আছে আর-এক দিকে, মাঝখানটাতে মন আছে কি না সে খবর নেবার ফুরসত পাই নি। দূরের থেকে মনে হয় যেন ঐখানটাতেই খটকা।”

একটু ঝাঁজের সঙ্গে বললে নীরজা, “কোনো খটকা থাকবে না, যদি তোমার সত্যিকার আগ্রহ থাকত।”

“বিয়ে করবে অন্য পক্ষ, সত্যিকার আগ্রহটা থাকবে একা আমার, এটাতে কি কাজ চলে ? তুমি চেষ্টা দেখো-না।”

“কিছুদিন গাছপালা থেকে ঐ মেয়েটার দৃষ্টিটাকে ছুটি দাও দেখি, ঠিক জায়গায় আপনি চোখ পড়বে।”

“শুভদৃষ্টির আলোতে গাছপালা পাহাড়পর্বত সমস্তই স্বচ্ছ হয়ে যায়। ও এক জাতের একসূরে আর-কি।”

“মিছে বকছ। আসল কথা, তোমার ইচ্ছে নয় বিয়েটা ঘটে।”

“এতকণে ধরেছ ঠিক। সরলা গেলে আমার বাগানের

দশা কী হবে বলো। লাভ লোকসানের কথাটাও ভাবতে হয়।
ও কী ও, হঠাৎ তোমারি বেদনাটা বেড়ে উঠল নাকি?”

উদ্বিগ্ন হয়ে উঠল আদিত্য। নীরজা রুক্ষ গলায় বললে,
“কিছু হয় নি। আমার জ্ঞে তোমাকে অত ব্যস্ত হতে হবে না।”

স্বামী যখন উঠি-উঠি করছে সে বলে উঠল, “আমাদের
বিয়ের পরেই ঐ অর্কিড-ঘরের প্রথম পত্তন, ভুলে যাও নি তো
সে কথা? তার পরে দিনে দিনে আমরা হুজনে মিলে ঐ
ঘরটাকে সাজিয়ে তুলেছি। ওটাকে নষ্ট করতে দিতে তোমার
মনে একটুও লাগে না!”

আদিত্য বিস্মিত হয়ে বললে, “সে কেমন কথা! নষ্ট হতে
দেবার শখ আমার দেখলে কোথায়!”

উত্তেজিত হয়ে নীরজা বললে, “সরলা কী জানে ফুলের
বাগানের?”

“বল কী! সরলা জানে না! যে মেসোমশায়ের ঘরে আমি
মামুষ তিনি যে সরলার জেঠামশায়। তুমি তো জ্ঞান তাঁরই
বাগানে আমার হাতেখড়ি। জেঠামশায় বলতেন ফুলের
বাগানের কাজ মেয়েদেরই, আর গোরু দোয়ানো। তাঁর সব
কাজে ও ছিল তাঁর সঙ্গিনী।”

“আর তুমি ছিলে সঙ্গী।”

“ছিলেম বৈকি। কিন্তু আমাকে করতে হত কলেজের
পড়া, ওর মতো অত সময় দিতে পারি নি। ওকে মেসোমশায়
মিজে পড়াতেন।”

“সেই বাগান নিয়ে তোমার মেসোমশায়ের সর্বনাশ হয়ে গেল। এমনি ও মেয়ের পয়। আমার তো তাই ভয় করে। অলঙ্কুনে মেয়ে। দেখো-না— মাঠের মতো কপাল, ঘোড়ার মতন লাফিয়ে চলন। মেয়েমাছুষের পুরুষালি বুদ্ধিটা ভালো নয়। ওতে অকল্যাণ ঘটায়।”

“তোমার আজ কী হয়েছে বলা তো নীরু! কী কথা বলছ! মেসোমশায় বাগান করতেই জানতেন, ব্যাবসা করতে জানতেন না। ফুলের চাষ করতে তিনি ছিলেন অদ্বিতীয়, নিজের লোকসান করতেও তাঁর সমকক্ষ কেউ ছিল না। সকলের কাছে তিনি নাম পেতেন, দাম পেতেন না। বাগান করবার জন্মে আমাকে যখন মূলধনের টাকা দিয়েছিলেন আমি কি জানতুম তখনি তাঁর তহবিল ডুবোডুবো। আমার একমাত্র সাঙ্খনা এই যে, তাঁর মরবার আগেই সমস্ত দিয়েছি শোধ করে।”

সরলা কমলালেবুর রস নিয়ে এল। নীরজা বললে,
“ঐখানে রেখে যাও।”

রেখে সরলা চলে গেল। পাত্রটা পড়ে রইল, ও ছুলোই না।

“সরলাকে তুমি বিয়ে করলে না কেন?”

“শোনো একবার কথা! বিয়ের কথা কোনোদিন মনেও আসে নি।”

“মনেও আসে নি! এই বুঝি তোমার কবিত্ব!”

“জীবনে কবিত্বের বালাই প্রথম দেখা দিল যেদিন তোমাকে দেখলুম। তার আগে আমরা দুই বুনোয় মিলে দিন কাটিয়েছি

বনের ছায়ায়। নিজেদের ছিলুম ভুলে। হাল আমলের সভ্যতায় যদি মানুষ হতুম তা হলে কী হত বলা যায় না।”

“কেন, সভ্যতার অপরাধটা কী?”

“এখনকার সভ্যতাটা দুঃশাসনের মতো হৃদয়ের বস্ত্রহরণ করতে চায়। অনুভব করবার পূর্বেই সেয়ানা করে তোলে চোখে আঙুল দিয়ে। গন্ধের ইশারা ওর পক্ষে বেশি সূক্ষ্ম. খবর নেয় পাপড়ি ছিঁড়ে।”

“সরলাকে তো দেখতে মন্দ নয়।”

“সরলাকে জানতুম সরলা বলেই। ও দেখতে ভালো কি মন্দ সে তব্বটা সম্পূর্ণ বাহুল্য ছিল।”

“আচ্ছা, সত্যি বলো, ওকে তুমি ভালোবাসতে না?”

“নিশ্চয় ভালোবাসতুম। আমি কি জড় পদার্থ যে ওকে ভালোবাসব না? মেসোমশায়ের ছেলে রেডুনে ব্যারিস্টারি করে, তার জন্তে কোনো ভাবনা নেই। তাঁর বাগানটি নিয়ে সরলা থাকবে এই ছিল তাঁর জীবনের সাধ। এমন-কি, তাঁর বিশ্বাস ছিল, এই বাগানই ওর সমস্ত মনপ্রাণ অধিকার করবে, ওর বিয়ে করবার গরজ থাকবে না। তার পরে তিনি চলে গেলেন, অনাথা হল সরলা, পাওনাদারের হাতে বাগানটি গেল বিকিয়ে। সেদিন আমার বুক ভেঙে গিয়েছিল, দেখ নি কি তুমি? ও যে ভালোবাসবার জিনিস, ভালোবাসব না ওকে! মনে তো আছে, একদিন সরলার মুখে হাসি-খুশি ছিল উচ্ছ্বসিত। মনে হত যেন পাখির ওড়া ছিল ওর পায়ের চলার

মধ্যে। আজ ও চলেছে বুক-ভরা বোকা বয়ে বয়ে, তবু ভেঙে পড়ে নি। একদিনের জন্তে দীর্ঘনিশ্বাস ফেলে নি আমারও কাছে, নিজেকে তার অবকাশও দিলে না।”

আদিত্যের কথা চাপা দিয়ে নীরজা বললে, “খামো গো খামো, অনেক শুনেছি ওর কথা তোমার কাছে, আর বলতে হবে না। অসামান্য মেয়ে। সেইজন্তে বলছি, ওকে সেই বারাসতের মেয়ে-স্কুলের হেড্‌ মিস্ট্রেস করে দাও। তারা তো কতবার ধরাধরি করেছে।”

“বারাসতের মেয়ে-স্কুল? কেন, আঙামানও তো আছে।”

“না, ঠাট্টা নয়। সরলাকে তোমার বাগানের আর যে-কোনো কাজ দিতে হয় দিয়ো, কিন্তু ঐ অর্কিড-ঘরের কাজ দিতে পারবে না।”

“কেন, হয়েছে কী?”

“আমি তোমাকে বলে দিচ্ছি, সরলা অর্কিড ভালো বোঝে না।”

“আমিও তোমাকে বলছি, আমার চেয়ে সরলা ভালো বোঝে। মেসোমশায়ের প্রধান শখ ছিল অর্কিডে। তিনি নিজের লোক পাঠিয়ে সেলিবিস থেকে, জাভা থেকে, এমন-কি, চীন থেকে অর্কিড আনিয়েছেন, তার দরদ বোঝে এমন লোক তখন ছিল না।”

কথাটা নীরজা জানে, সেইজন্তে কথাটা তার অসহ।

“আচ্ছা আচ্ছা, বেশ বেশ, ও নাহয় আমার চেয়ে ঢের

ভালো বোঝে, এমন-কি, তোমার চেয়েও। তা হোক, তবু বলছি ঐ অর্কিডের ঘর শুধু তোমার আমার, ওখানে সরলার কোনো অধিকার নেই। তোমার সমস্ত বাগানটা ওকেই দিয়ে দাও-না যদি তোমার নিতান্ত ইচ্ছে হয়; কেবল খুব অল্প একটু কিছু রেখো যেটুকু কেবল আমাকেই উৎসর্গ-করা। এতকাল পরে অন্তত এইটুকু দাবি করতে পারি। কপালদোষে নাহয় আজ আছি বিছানায় পড়ে, তাই বলে—”

কথা শেষ করতে পারলে না, বালিশে মুখ গুঁজে অশান্ত হয়ে কাঁদতে লাগল।

স্তুভিত হয়ে গেল আদিত্য। ঠিক যেন এতদিন স্বপ্নে চলছিল, ঠোঁকর খেয়ে উঠল চমকে। একি ব্যাপার। বুঝতে পারল—এই কান্না অনেক দিনকার। বেদনার ঘূর্ণিবাতাস নীরজার অন্তরে অন্তরে বেগ পেয়ে উঠেছিল দিনে দিনে, আদিত্য জানতে পারে নি মুহূর্তের জন্তেও। এমন নির্বোধ যে মনে করেছিল সরলা বাগানের যত্ন করতে পারে এতে নীরজা খুশি। বিশেষত ঋতুর হিসাব করে বাছাই-করা ফুলের কেয়ারি সাজাতে ও অদ্বিতীয়। আজ হঠাৎ মনে পড়ল— এক দিন যখন কোনো উপলক্ষে সরলার প্রশংসা ক’রে ও বলেছিল ‘কামিনীর বেড়া এমন মানানসই করে আমি তো লাগাতে পারতুম না’ তখন তীব্র হেসে বলেছে নীরজা, ‘ওগো মশায়, উচিত পাণ্ডনার চেয়ে বেশি দিলে আথেরে মানুষের লোকসান করাই হয়।’ আদিত্যের আজ মনে পড়ল, গাছপালা সম্বন্ধে

কোনোমতে সরলার একটা ভুল যদি ধরতে পারত নীরজা উচ্চহাস্তে কথাটাকে ফিরে ফিরে মুখরিত করে তুলত। স্পষ্ট মনে পড়ল, ইংরেজি বই খুঁজে খুঁজে নীরজা মুখস্থ করে রাখত অল্পপরিচিত ফুলের উদ্ভট নাম; ভালোমানুষের মতো জিজ্ঞাসা করত সরলাকে, যখন সে ভুল করত তখন থামতে চাইত না ওর হাসির ছিলো—‘ভারি পণ্ডিত, কে না জানে ওর নাম ক্যাসিয়া জাভানিকা! আমার হলো মালীও বলতে পারে।’

আদিত্য অনেকক্ষণ ধরে বসে ভাবলে। তার পরে হাত ধরে বললে, “কেঁদো না নীরু, বলো কী করব। তুমি কি চাও সরলাকে বাগানের কাজে না রাখি?”

নীরজা হাত ছিনিয়ে নিয়ে বললে, “কিছু চাই নে, কিছু না, ও তো তোমারই বাগান। তুমি যাকে খুশি রাখতে পারো, আমার তাতে কী!”

“নীরু, এমন কথা তুমি বলতে পারলে, আমারই বাগান! তোমার নয়? আমাদের মধ্যে এই ভাগ হয়ে গেল কবে থেকে?”

“যবে থেকে তোমার রইল বিশ্বের আর-সমস্ত কিছু আর আমার রইল কেবল এই ঘরের কোণ। আমার এই ভাড়া প্রাণ নিয়ে দাঁড়াব কিসের জোরে তোমার ঐ আশ্চর্য সরলার সামনে? আমার সে শক্তি আজ কোথায় যে তোমার সেবা করি, তোমার বাগানের কাজ করি?”

“নীরু, তুমি তো কতদিন এর আগে আপনি সরলাকে

ডেকে পাঠিয়েছ, নিয়েছ ওর পরামর্শ। মনে ঘেঁটে কি এই কয়েক বছর আগে বাতাবি লেবুর সঙ্গে কলম্বা লেবুর কলম বেঁধেছ দুইজনে, আমাকে আশ্চর্য করে দেবার জন্যে।”

“তখন তো ওর এত গুমর ছিল না। বিধাতা যে আমারই দিকে আজ অঙ্ককার করে দিলে, তাই তো তোমার কাছে হঠাৎ ধরা পড়ছে— ও এত জানে, ও তত জানে, অর্কিড চিনতে আমি ওর কাছে লাগি নে। সেদিন তো এ-সব কথা কোনোদিন শুনি নি। তবে আজ আমার এই ছুঁর্ভাগ্যের দিনে কেন দুজনের তুলনা করতে এলে? আজ আমি ওর সঙ্গে পারব কেন? মাপে সমান হব কী নিয়ে?”

“নীরু, আজ তোমার কাছে এই যা-সব গুনছি তার জন্ম একটুও প্রস্তুত ছিলুম না। মনে হচ্ছে এ যেন আমার নীরুর কথা নয়, এ যেন আর কেউ।”

“না গো না, সেই নীরুই বটে। তার কথা এতদিনেও তুমি বুঝলে না। এই আমার সব চেয়ে শাস্তি। বিয়ের পর যেদিন আমি জেনেছিলেম তোমার বাগান তোমার প্রাণের মতো প্রিয়, সেদিন থেকে ঐ বাগান আর আমার মধ্যে ভেদ রাখি নি একটুকুও। নইলে তোমার বাগানের সঙ্গে আমার ভীষণ ঝগড়া বাধত, ওকে সহ্যে পারতুম না। ও হত আমার সতিন। তুমি তো জান আমার দিন-রাতের সাধনা। জান কেমন করে ওকে মিলিয়ে নিয়েছি আমার মধ্যে। একেবারে এক হয়ে গেছি ওর সঙ্গে।”

“জানি বৈকি। আমার সব-কিছুকে নিয়েই যে তুমি।”

“ও-সব কথা রাখো। আজ দেখলুম ঐ বাগানের মধ্যে অনায়াসে প্রবেশ করলে আর-একজন। কোথাও একটুও ব্যথা লাগল না। আমার দেহখানাকে চিরে ফেলবার কথা কি মনে করতেও পারতে আর-কারু প্রাণ তার মধ্যে চালিয়ে দেবার জন্তে! আমার ঐ বাগান কি আমার দেহ নয়? আমি হলে কি এমন করতে পারতুম?”

“কী করতে তুমি?”

“বলব কী করতুম? বাগান ছারখার হয়ে যেত হয়তো। ব্যাবসা হত দেউলে। একটার জায়গায় দশটা মালী রাখতুম, কিন্তু আসতে দিতুম না আর কোনো মেয়েকে, বিশেষত এমন কাউকে যার মনে গুমর আছে সে আমার চেয়েও বাগানের কাজ ভালো জানে। ওর এই অহংকার দিয়ে তুমি আমাকে অপমান করবে প্রতিদিন, যখন আমি আজ মরতে বসেছি, যখন উপায় নেই নিজের শক্তি প্রমাণ করবার? এমনটা কেন হতে পারল বলব?”

“বলো।”

“তুমি আমার চেয়ে ওকে ভালোবাস বলে! এতদিন সে কথা লুকিয়ে রেখেছিলে।”

আদিত্য কিছুক্ষণ মাথার চুলের মধ্যে হাত গুঁজে বসে রইল। তার পরে বিহ্বলকণ্ঠে বললে, “নীরু, দশ বৎসর তুমি আমাকে জেনেছ, সুখে দুঃখে নানা অবস্থায় নানা কাজে, তার

পরেও তুমি যদি এমন কথা আজ বলতে পার তবে আমি
কোনো জবাব করব না। চললুম। কাছে থাকলে তোমার
শরীর খারাপ হবে। ফব্নারির পাশে যে জাপানি ঘর আছে
সেইখানে থাকব। যখন আমাকে দরকার হবে ডেকে
পাঠিয়ে।”

দিঘির ও পারের পাড়িতে চলত গাছের আড়ালে চাঁদ উঠছে, জলে পড়েছে ঘন কালো ছায়া। এ পারে বাসন্তী গাছে কচি পাতা শিশুর ঝুমভাঙা চোখের মতো রাঙা, তার কাঁচা সোনার বরন ফুল, ঘন গন্ধ ভারী হয়ে জমে উঠেছে গন্ধের কুয়াশা যেন। জোনাকির দল ঝলমল করছে জারুল গাছের ডালে। শান-বাঁধানো ঘাটের বেদীর উপর শুদ্ধ হয়ে বসে আছে সরলা। বাতাস নেই কোথাও, পাতায় নেই কাঁপন, জল যেন কালো ছায়ার স্ফেমে বাঁধানো পালিশ-করা রূপোর আয়না।

পিছনের দিক থেকে প্রশ্ন এল, “আসতে পারি কি?”

সরলা স্নিগ্ধ কণ্ঠে উত্তর দিলে, “এসো।”

রমেন বসল ঘাটের সিঁড়ির উপর, পায়ের কাছে। সরলা ব্যস্ত হয়ে বললে, “কোথায় বসলে রমেন দাদা, উপরে এসো।”

রমেন বললে, “জান দেবীদের বর্ণনা-আরম্ভ পদপল্লব থেকে? পাশে জায়গা থাকে তো পরে বসব। দাও তোমার হাতখানি, অভ্যর্থনা শুরু করি বিলিতি মতে।”

সরলার হাত নিয়ে চুম্বন করলে। বললে, “সম্রাজ্ঞীর অভিবাদন গ্রহণ করো।”

তার পরে উঠে দাঁড়িয়ে অল্প একটুখানি আঁবির নিয়ে দিলে ওর কপালে মাখিয়ে।

“এ আবার কী?”

“জান না আজ দোলগুণ্গিমা? তোমাদের গাছে গাছে ডালে ডালে রঙের ছড়াছড়ি। বসন্তে মানুষের গায়ে ভো রঙ লাগে না, লাগে তার মনে। সেই রঙটাকে বাইরে প্রকাশ করতে হবে, নইলে, বনলক্ষ্মী, অশোকবনে ডুমি নির্ধাসিত হয়ে থাকবে।”

“তোমার সঙ্গে কথার খেলা করি এমন ওস্তাদি নেই আমার।”

“কথার দরকার কিসের! পুরুষ পাখিই গান করে, তোমরা মেয়ে পাখি চূপ করে শুনলেই উত্তর দেওয়া হল। এইবার বসতে দাও পাশে।”

পাশে এসে বসল। অনেকক্ষণ চূপ করে রইল ছইজনেই। হঠাৎ সরলা প্রশ্ন করলে, “রমেনদা, জেলে যাওয়া যায় কী করে পরামর্শ দাও আমাকে।”

“জেলে যাবার রাস্তা এত অসংখ্য এবং আজকাল এত সহজ যে কী করে জেলে না যাওয়া যায় সেই পরামর্শই কঠিন হয়ে উঠল। এ যুগে গোরার বাঁশি ঘরে টিকতে দিল না।”

“না, আমি ঠাট্টা করছি নে, অনেক ভেবে দেখলুম আমার মুক্তি ঐখানেই।”

“ভালো করে খুলে বলো তোমার মনের কথাটা।”

“বলছি সব কথা। সম্পূর্ণ বুঝতে পারতে, যদি আদিৎদার মুণ্ডানা দেখতে পেতে।”

“আভাসে কিছু দেখেছি।”

“আজ বিকেলবেলায় একলা ছিলাম বারান্দায়। আমেরিকা থেকে ফুলগাছের-ছবি-দেওয়া ক্যাটালগ এসেছে; দেখছিলাম পাতা উলটিয়ে; রোজ বিকেলে সাড়ে চারটার মধ্যে চা খাওয়া সেরে আদিৎদা আমাকে ডেকে নেন বাগানের কাজে। আজ দেখি অচমনে বেড়াচ্ছেন ঘুরে ঘুরে; মালীরা কাজ করে যাচ্ছে তাকিয়েও দেখছেন না। মনে হল আমার বারান্দার দিকে আসবেন বুঝি, দ্বিধা করে গেলেন যিহরে। অমন শক্ত লম্বা মানুষ; জোরে চলা, জোরে কাজ, সব দিকেই সজাগ দৃষ্টি, কড়া মনিব অথচ মুখে ক্ষমার হাসি; আজ সেই মানুষের সেই চলন নেই, দৃষ্টি নেই বাইরে, কোথায় তলিয়ে আছেন মনের ভিতরে। অনেকক্ষণ পরে ধীরে ধীরে এলেন কাছে। অন্য দিন হলে তখনি হাতের ঘড়িটা দেখিয়ে বলতেন ‘সময় হয়েছে’, আমিও উঠে পড়তুম। আজ তা না বলে আস্তে আস্তে পাশে চৌকি টেনে নিয়ে বসলেন। বললেন, ‘ক্যাটালগ দেখছ বুঝি?’ আমার হাত থেকে ক্যাটালগ নিয়ে পাতা ওলটাতে লাগলেন। কিছু যে দেখলেন তা মনে হল না। হঠাৎ একবার আমার মুখের দিকে চাইলেন, যেন পান করলেন আর দেরি না করে এখনি কী একটা বলাই চাই। আবার তখনি পাতার দিকে চোখ নামিয়ে বললেন, ‘দেখেছ, সরি, কত বড়ো ন্যাস্টার্শিয়াম?’ কঠে গভীর ক্লাস্তি। তার পর অনেকক্ষণ কথা নেই, চলল পাতা ওলটানো। আর-একবার হঠাৎ আমার

মুখের দিকে চাইলেন, চেয়েই ধাঁ করে বই বন্ধ করে আমার কোলের উপর ফেলে দিয়ে উঠে পড়লেন। আমি বললেম, 'যাবে না বাগানে?' আদিৎদা বললেন, 'না ভাই, বাইয়ে বেরোতে হবে, কাজ আছে।' বলেই তাড়াতাড়ি নিজেকে যেন ছিঁড়ে নিয়ে চলে গেলেন।"

"আদিৎদা তোমাকে কী বলতে এসেছিলেন; কী আন্দাজ কর তুমি?"

"বলতে এসেছিলেন, 'আগেই ভেঙেছে তোমার এক বাগান— এবার হুকুম এল, তোমার কপালে আর-এক বাগান ভাঙবে।'"

"তাই যদি ঘটে, সরি, তা হলে জেলে যাবার স্বাধীনতা যে আমার থাকবে না।"

সরলা ম্লান হেসে বললে, "তোমার সে রাস্তা কি আমি বন্ধ করতে পারি? সম্রাটবাহাদুর স্বয়ং খোলসা রাখবেন।"

"তুমি বৃস্তুচ্যুত হয়ে পড়ে থাকবে রাস্তায়, আর আমি শিকলে ঝংকার দিতে দিতে চমক লাগিয়ে চলব জেলখানায়, এ কি কখনো হতে পারে? এখন থেকে তা হলে যে আমাকে এই বয়সে ভালোমানুষ হতে শিখতে হবে।"

"কী করবে তুমি?"

"তোমার অন্তঃকরণের সঙ্গে লড়াই ঘোষণা করে দেব। কুষ্টি থেকে তাকে তাড়াব। তার পরে লম্বা ছুটি পাব, এমন-কি, কালাপানির পার পর্ষস্ত।"

“তোমার কাছে কোনো কিছুই লুকোতে পারি নে। একটা কথা আমার কাছে স্পষ্ট হয়ে উঠছে কিছুদিন থেকে। আজ সেটা তোমাকে বলব, কিছু মনে কোরো না।”

“না বললে মনে করব।”

“ছেলেবেলা থেকে আদিৎদার সঙ্গে একত্রে মানুষ হয়েছি। ভাইবোনের মতো নয়, দুই ভাইয়ের মতো। নিজের হাতে দুজনে পাশাপাশি মাটি কুপিয়েছি, গাছ কেটেছি। জেঠাইমা আর মা দু-তিন দিন পরে পরে মারা যান টাইফয়েডে, আমার বয়স তখন ছয়। বাবার মৃত্যু তার দু বছর পরে। জেঠামশাইয়ের মস্ত সাধ ছিল, আমিই তাঁর বাগানটিকে বাঁচিয়ে রাখব আমার প্রাণ দিয়ে। তেমনি করেই আমাকে তৈরি করেছিলেন। কাউকে তিনি অবিশ্বাস করতে জানতেন না। যে বন্ধুদের টাকা ধার দিয়েছিলেন তারা শোধ করে বাগানকে দায়মুক্ত করবে, এতে তাঁর সন্দেহ ছিল না। শোধ করেছেন কেবল আদিৎদা, আর কেউ না। এই ইতিহাস হয়তো তুমি কিছু কিছু জান, কিন্তু তবু আজ সব কথা গোড়া থেকে বলতে ইচ্ছে করছে।”

“সমস্ত আবার নূতন লাগছে আমার।”

“তার পরে জান হঠাৎ সবই ডুবেল। যখন ডাঙায় টেনে তুলল বগা থেকে তখন আর-একবার আদিৎদার পাশে এসে ঠেকল আমার ভাগ্য। মিললুম তেমনি করেই— আমরা দুই ভাই, আমরা দুই বন্ধু। তার পর থেকে আদিৎদার আশ্রয়ে আছি এও যেমন সত্যি, তাঁকে আশ্রয় দিয়েছি সেও তেমনি

সত্যি। পরিমাণে আমার দিক থেকে কিছু কম হয় নি, এ আমি জোর করে বলব। তাই আমার পক্ষে একটুও কারণ ঘটে নি সংকোচ করবার। এর আগে একত্রে ছিলাম যখন, তখন আমাদের যে বয়স ছিল সেই বয়সটা নিয়েই যেন ফিরলুম, সেই সম্বন্ধ নিয়ে। এমনি করেই চিরদিন চলে যেতে পারত। আর বলে কী হবে!”

“কথাটা শেষ করে ফেলো।”

“হঠাৎ আমাকে ধাক্কা মেরে কেন জানিয়ে দিলে যে আমার বয়স হয়েছে! যেদিনকার আড়ালে একসঙ্গে কাজ করেছি সেদিনকার আবরণ উড়ে গেছে এক মুহূর্তে। তুমি নিশ্চয় সব জান রমেনদা, আমার কিছুই ঢাকা থাকে না তোমার চোখে। আমার উপরে বউদির রাগ দেখে প্রথম-প্রথম ভারি আশ্চর্য লেগেছিল, কিছুতেই বুঝতে পারি নি। এতদিন দৃষ্টি পড়ে নি নিজের উপর, বউদিদির বিরাগের আঙনের আভায় দেখতে পেলেম নিজেকে, ধরা পড়লুম নিজের কাছে। আমার কথা বুঝতে পারছ কি?”

“তোমার ছেলেবেলাকার তলিয়ে-থাকা ভালোবাসা নাড়া খেয়ে ভেসে উঠছে উপরের তলায়।”

“আমি কী করব বলো। নিজের কাছ থেকে নিজে পালাই কী করে?” বলতে বলতে রমেনের হাত চেপে ধরলে।

রমেন চুপ করে রইল। আবার সে বললে, “যতক্ষণ এখানে আছি ততক্ষণ বেড়ে চলেছে আমার অন্তায়।”

“অন্যায় কার উপরে ?”

“বউদির উপরে ।”

“দেখো সরলা, আমি মানি নে ও-সব পুঁথির কথা । দাবির হিসেব বিচার করবে কোন্ সত্য দিয়ে । তোমাদের মিলন কত কালের ; তখন কোথায় ছিল বউদি ?”

“কী বলছ রমেনদা ! আপন ইচ্ছের দোহাই দিয়ে এ কী আবদারের কথা ! আদিত্যদার কথাও তো ভাবতে হবে ।”

“হবে বৈকি । তুমি কি ভাবছ, যে আঘাতে চমকিয়ে দিয়েছে তোমাকে সেই আঘাতটাই তাঁকে লাগে নি ?”

“রমেন নাকি ?” পিছন থেকে শোনা গেল ।

“হাঁ দাদা ।” রমেন উঠে পড়ল ।

“তোমার বউদি তোমাকে ডেকে পাঠিয়েছেন, আমরা এনে এইমাত্র জানিয়ে গেল ।”

রমেন চলে গেল, সরলাও তখন উঠে যাবার উপক্রম করলে ।

আদিত্য বললে, “ষেয়ো না সরি, একটু বোসো ।”

আদিত্যের মুখ দেখে সরলার বুক ফেটে যেতে চায় । ঐ অবিশ্রাম কর্মরত আপন-ভোলা মস্ত মানুষটা এতক্ষণ যেন কেবলই পাক খেয়ে বেড়াচ্ছিল হালভাঙা চেউখাওয়া নৌকার মতো ।

আদিত্য বললে, “আমরা দুজনে এ সংসারে জীবন আরম্ভ করেছিলেম একেবারে এক হয়ে । এত সহজ আমাদের মিল”

যে এর মধ্যে কোনো ভেদ কোনো কারণে ঘটতে পারে, সে কথা মনে করাই অসম্ভব। তাই কি নয় সরি ?”

“অঙ্কুরে যা এক থাকে, বেড়ে উঠে তা ভাগ হয়ে যায়, এ কথা না মেনে তো থাকবার জো নেই আদিৎদা !”

“সে ভাগ তো বাইরে, কেবল চোখে দেখার ভাগ ! অঙ্কুরে তো প্রাণের মধ্যে ভাগ হয় না। আজ তোমাকে আমার কাছ থেকে সরিয়ে নেবার ধাক্কা এসেছে। আমাকে যে এত বেশি বাজবে এ আমি কোনোদিন ভাবতেই পারতুম না সরি, তুমি কি জান কী ধাক্কাটা এল হঠাৎ আমাদের পরে ?”

“জানি ভাই, তুমি জানবার আগে থাকতেই।”

“সইতে পারবে সরি ?”

“সইতেই হবে।”

“মেয়েদের সহ্য করবার শক্তি কি আমাদের চেয়ে বেশি, তাই ভাবি।”

“তোমরা পুরুষমানুষ ছুঃখের সঙ্গে লড়াই কর, মেয়েরা যুগে যুগে ছুঃখ কেবল সহ্যই করে। চোখের জল আর ধৈর্য, এ ছাড়া আর তো কিছু সম্বল নেই তাদের।”

“তোমাকে আমার কাছ থেকে ছিঁড়ে নিয়ে যাবে এ আমি ঘটতে দেব না, দেব না। এ অস্থায়, এ নির্ভুর অস্থায়।”

বলে মুঠো শক্ত করে আকাশের কোন্ অদৃশ্য শত্রুর সঙ্গে লড়াই করতে প্রস্তুত হল।

সরলা কোলের উপর আদিত্যের হাতখানা নিয়ে তার

উপরে ধীরে ধীরে হাত बुलিয়ে দিতে লাগল। বলে গেল যেন আপন মনে ধীরে ধীরে, “ছায়-অছায়ের কথা নয় ভাই, সম্বন্ধের বন্ধন যখন কাঁস হয়ে ওঠে তার ব্যথা বাজে নানা লোকের মধ্যে, টানাটানি পড়ে নানা দিক থেকে, কাকেই বা দোষ দেব!”

“তুমি সহ্য করতে পারবে তা জানি। একদিনের কথা মনে পড়ছে। কী চুল ছিল তোমার! এখনো আছে। সেই চুলের গর্ব ছিল তোমার মনে। সবাই সেই গর্বে প্রশ্রয় দিত। একদিন ঝগড়া হল তোমার সঙ্গে। ছপুরবেলা বালিশের 'পরে চুল মেলে দিয়ে ঘুমিয়ে পড়েছিলে, আমি কাঁচি হাতে অস্ত্রত আধ-হাতখানেক কেটে দিলাম। তখনি জেগে তুমি দাঁড়িয়ে উঠলে, তোমার ঐ কালো চোখ আরো কালো হয়ে উঠল। শুধু বললে, 'মনে করেছ আমাকে জ্বদ করবে?' বলে আমার হাত থেকে কাঁচি টেনে নিয়ে ঘাড় পর্যন্ত চুল কেটে ফেললে কচ্-কচ্ করে। মেসোমশায় তোমাকে দেখে আশ্চর্য। বললেন, 'একি কাণ্ড!' তুমি শান্তমুখে অনায়াসে বললে, 'বড়ো গরম লাগে।' তিনিও একটু হেসে সহজেই মেনে নিলেন। প্রশ্ন করলেন না, ভৎসনা করলেন না, কেবল কাঁচি নিয়ে সমান করে দিলেন তোমার চুল। তোমারই তো জেঠামশায়।”

সরলা হেসে বললে, “তোমার যেমন বুদ্ধি! তুমি ভাবছ এটা আমার কুমার পরিচয়? একটুও নয়। সেদিন তুমি আমাকে যতটা জ্বদ করেছিলে তার চেয়ে অনেক বেশি জ্বদ

করেছিলুম আমি তোমাকে । ঠিক কি না বলো ।”

“খুব ঠিক । সেই কাটা চুল দেখে আমি কেবল কাঁদতে বাকি রেখেছিলুম । তার পরদিন তোমাকে মুখ দেখাতে পারি নি লজ্জায় । পড়বার ঘরে চুপ করে ছিলাম বসে । তুমি ঘরে ঢুকেই হাত ধরে আমাকে হিড়্‌হিড়্‌ করে টেনে নিয়ে গেলে বাগানের কাজে, যেন কিছুই হয় নি । আর একদিনের কথা মনে পড়ে, সেই যেদিন ফাল্গুন মাসে অকালে ঝড় উঠে আমার বিছন লাগাবার ঘরের চাল উড়িয়ে নিয়েছিল তখন তুমি এসে—”

“ধাক্, আর বলতে হবে না আদিৎদা” বলে দীর্ঘনিশ্বাস ফেললে—“সে-সব দিন আর আসবে না” বলেই তাড়াতাড়ি উঠে পড়ল ।

আদিত্য ব্যাকুল হয়ে সরলার হাত চেপে ধরে বললে, “না, যেয়ো না, এখনি যেয়ো না, কখন এক সময়ে যাবার দিন আসবে তখন—”

বলতে বলতে উত্তেজিত হয়ে বলে উঠল, “কোনোদিন কেন যেতে হবে ! কী অপরাধ ঘটেছে ! ঈর্ষা ! আজ দশ বৎসর সংসার যাত্রায় আমার পরীক্ষা হল, তারই এই পরিণাম ! কী নিয়ে ঈর্ষা ! তা হলে তো তেইশ বছরের ইতিহাস মুছে ফেলতে হয়, যখন থেকে তোমার সঙ্গে আমার দেখা !”

“তেইশ বছরের কথা বলতে পারি নে ভাই, কিন্তু তেইশ বছরের এই শেষ বেলাতে ঈর্ষার কি কোনো কারণই ঘটে নি ?

সত্যি কথা তো বলতে হবে। নিজেকে ভুলিয়ে লাভ কী ?
তোমার আমার মধ্যে কোনো কথা যেন অস্পষ্ট না থাকে।”

আদিত্য কিছুক্ষণ স্তব্ধ হয়ে বসে রইল; বলে উঠল, “অস্পষ্ট
আর রইল না। অন্তরে অন্তরে বুঝেছি, তুমি নইলে আমার
জগৎ হবে ব্যর্থ। ঘাঁর কাঁছ থেকে পেয়েছি তোমাকে জীবনের
প্রথম বেলায়, তিনি ছাড়া আর কেউ তোমাকে কেড়ে নিতে
পারবে না।”

“কথা বোলো না আদিত্য, হুঃখ আর বাড়িয়ে না। একটু
স্থির হয়ে দাও ভাবতে।”

“ভাবনা নিয়ে তো পিছনের দিকে যাওয়া যায় না। দুজনে
যখন জীবন আরম্ভ করেছিলেম মেসোমশায়ের কোলের কাছে,
সে তো না ভেবেচিন্তে। আজ কোনোরকমের নিডুনি দিয়ে
কি উপড়ে ফেলতে পারবে সেই আমাদের দিনগুলিকে ?
তোমার কথা বলতে পারি নে সরি, আমার তো সাধ্য নেই।”

“পায়ে পড়ি, দুর্বল করো না আমাকে। দুর্গম করো না
উদ্ধারের পথ।”

আদিত্য সরলার দুই হাত চেপে ধরে বললে, “উদ্ধারের
পথ নেই, সে পথ আমি রাখব না। ভালোবাসি তোমাকে এ
কথা আজ এত সহজ করে সত্য করে বলতে পারছি, এতে
আমার বুক ভরে উঠেছে। তেইশ বছর যা ছিল কুঁড়িতে, আজ
দৈবের কৃপায় তা ফুটে উঠেছে। আমি বলছি, তাকে চাপা
দিতে গেলে সে হবে ভীকৃত্য, সে হবে অধর্ম।”

“চুপ চুপ, আর বোলো না! আজকের রাস্তিরের মতো
মাপ করো, মাপ করো আমাকে।”

“সরি, আমিই কুপাপাত্র, জীবনের শেষদিন পর্যন্ত আমিই
তোমার কুমার যোগ্য। কেন আমি ছিলুম অন্ধ! কেন আমি
তোমাকে চিনলুম না, কেন বিয়ে করতে গেলুম ভুল করে?
তুমি তো কর নি, কত পাত্র এসেছিল তোমাকে কামনা করে
সে তো আমি জানি।”

“জ্যেষ্ঠামশায় যে আমাকে উৎসর্গ করে দিয়েছিলেন তাঁর
বাগানের কাজে, নইলে হয়তো—”

“না না, তোমার মনের গভীরে ছিল তোমার সত্য উজ্জ্বল।
না জেনেও তার কাছে তুমি বাঁধা রেখেছিলে নিজেকে।
আমাকে কেন তুমি চেতন করে দাও নি? আমাদের পথ কেন
হল আলাদা?”

“থাক থাক, যাকে মেনে নিতেই হবে তাকে না মানবার
জ্ঞান বগড়া করছ কার সঙ্গে! কী হবে মিথ্যে ছটফট করে!
কাল দিনের বেলায় যা হয় একটা উপায় স্থির করা যাবে।”

“আচ্ছা, চুপ করলুম। কিন্তু এমন জ্যোৎস্নারাত্রে আমার
হয়ে কথা কইবে এমন কিছু রেখে যাব তোমার কাছে।”

বাগানে কাজ করবার জ্ঞান আদিত্যের কোমরে একটা
ঝুলি থাকে বাঁধা, কিছু-না-কিছু সংগ্রহ করবার দরকার হয়।
সেই ঝুলি থেকে বের করলে ছোটো তোড়ায় বাঁধা পাঁচটি
নাগকেশরের ফুল। বললে, “আমি জানি, নাগকেশর তুমি

ভালোবাস। তোমার কাঁধের ঐ আঁচলের উপর পরিয়ে দেব ?
এই এনেছি সেক্‌টিপিন।”

সরলা আপত্তি করলে না। আদিত্য বেশ একটু সময় নিয়ে
ধীরে ধীরে পরিয়ে দিলে। সরলা উঠে দাঁড়ালো; আদিত্য
সামনে দাঁড়িয়ে দুই হাত ধরে তার মুখের দিকে তাকিয়ে
রইল, যেমন তাকিয়ে আছে আকাশের চাঁদ। বললে, “কী
আশ্চর্য ভূমি সরি, কী আশ্চর্য !”

সরলা হাত ছিনিয়ে নিয়ে দৌড়ে চলে গেল। আদিত্য
অনুসরণ করলে না, যতক্ষণ দেখা যায় চুপ করে দাঁড়িয়ে
দেখলে। তার পর বসে পড়ল সেই ঘাটের বেদীর 'পরে। চাকর
এসে খবর দিল, খাবার এসেছে।

আদিত্য বলল, “আজ আমি খাব না।”

রমেন দরজার কাছ থেকে জিজ্ঞাসা করলে, “বউদি, ডেকেছ কি?”

নীরজা রুদ্ধ গলা পরিষ্কার করে নিয়ে উত্তর দিলে, “এসো।”

ঘরের সব আলো নেবানো। জানলা খোলা, জ্যোৎস্না পড়েছে বিছানায়, পড়েছে নীরজার মুখে আর শিয়রের কাছে আদিত্যের দেওয়া সেই ল্যাবার্নম গুচ্ছের উপর। বাকি সমস্ত অস্পষ্ট। বালিশে হেলান দিয়ে নীরজা অর্ধেক উঠে বসে আছে, চেয়ে আছে জানলার বাইরে। সে দিকে অর্কিডের ঘর পেরিয়ে দেখা যাচ্ছে সুপুরি গাছের সার। এইমাত্র হাওয়া জেগেছে, ছলে উঠছে পাতাগুলো, গন্ধ আসছে আমের বোলের। অনেক দূর থেকে শব্দ শোনা যায় মাদলের আর গানের, গোকুর গাড়ির গাড়োয়ানদের বস্তুতে হোলি জমেছে। মেঝের উপর পড়ে আছে মালাই বরফি আর কিছু আবির। দারোয়ান দিয়ে গেছে উপহার। রোগীর বিশ্রামভঙ্গের ভয়ে সমস্ত বাড়ি আজ নিস্তব্ধ। এক গাছ থেকে আর-এক গাছে ‘পিয়ুকাঁহা’ পাখির চলছে উত্তর-প্রত্যুত্তর, কেউ হার মানতে চায় না। রমেন মোড়া টেনে এনে বসল বিছানার পাশে। পাছে কান্না ভেঙে পড়ে এই ভয়ে অনেকক্ষণ নীরজা কোনো কথা বললে না। তার ঠোঁট কাঁপতে লাগল, গলার কাছটাতে যেন বেদনার ঝড় পাক খেয়ে উঠছে। কিছু পরে সামলে

নিলে, ল্যাবারনম গুচ্ছের ছুটো খস্মে-পড়া ফুল দলিত হয়ে গেল তার মুঠোর মধ্যে। তার পরে কোনো কথা না বলে একখানা চিঠি দিলে রমেনের হাতে। চিঠিখানা আদিত্যের লেখা। তাতে আছে—

‘এত দিনের পরিচয়ের পরে আজ হঠাৎ দেখা গেল আমার নির্ণায় সন্দেহ করা সম্ভবপর হল তোমার পক্ষে। এ নিয়ে যুক্তিতর্ক করতে লজ্জা বোধ করি। তোমার মনের বর্তমান অবস্থায় আমার সকল কথা সকল কাজই বিপরীত হবে তোমার অনুভবে। সেই অকারণ পীড়ন তোমার দুর্বল শরীরকে আঘাত করবে প্রতি মুহূর্তে! আমার পক্ষে দূরে থাকাই ভালো যে পর্যন্ত না তোমার মন সুস্থ হয়। এও বুঝলুম, সরলাকে এখানকার কাজ থেকে বিদায় করে দিই, এই তোমার ইচ্ছা। হয়তো দিতে হবে। ভেবে দেখলুম, তা ছাড়া আর অন্য পথ নেই। তবু বলে রাখি, আমার শিক্ষাদীক্ষা উন্নতি সমস্তই সরলার জেঠামশায়ের প্রসাদে; আমার জীবনে সার্থকতার পথ দেখিয়ে দিয়েছেন তিনিই। তাঁরই স্নেহের ধন সরলা সর্বস্বান্ত, নিঃসহায়। আজ ওকে যদি ভাসিয়ে দিই তো অধর্ম হবে। তোমার প্রতি ভালোবাসার খাতিরেও পারব না।

‘অনেক ভেবে স্থির করেছি, আমাদের ব্যবসায়ে নতুন বিভাগ একটা খুলব, ফল-সবজির বীজ তৈরির বিভাগ। মানিকতলায় বাড়িসুদ্ধ জমি পাওয়া যেতে পারবে। সেইখানেই সরলাকে বসিয়ে দেব কাজে। এই কাজ আরম্ভ করবার

মতো মগদ টাকা হাতে নেই আমার। আমাদের এই বাগান-
 বাড়ি বন্ধক রেখে টাকা তুলতে হবে। এ প্রস্তাবে রাগ কোরো
 না, এই আমার একান্ত অনুরোধ। মনে রেখো, সরলার
 জেঠামশায় আমার এই বাগানের জন্তে আমাকে মূলধন বিনা
 মুদে ধার দিয়েছিলেন, শুনেছি তারও কিছু অংশ তাঁকে ধার
 করতে হয়েছিল। শুধু তাই নয়, কাজ শুরু করে দেবার মতো
 বীজ, কলমের গাছ, দুর্লভ ফুলগাছের চারা, অরুন্দি, ঘাস-
 কাটা কল ও অন্যান্য অনেক যন্ত্র দান করেছেন বিনা মূল্যে।
 এত বড়ো মুরোগ যদি আমাকে না দিতেন, আজ ত্রিশ টাকা
 বাসা-ভাড়াই কেরানিগিরি করতে হত, তোমার সঙ্গে বিবাহও
 ঘটত না কপালে। তোমার সঙ্গে কথা হবার পর এই প্রায়ই
 বার বার মনে আমার উঠেছে, আমিই ওকে আশ্রয় দিয়েছি, না
 আমাকেই আশ্রয় দিয়েছে সরলা? এই সহজ কথাটাই
 ভুলেছিলাম, তুমিই আমাকে দিলে মনে করিয়ে। এখন
 তোমাকেও মনে রাখতে হবে। কখনো ভেবো না, সরলা আমার
 গলগ্রহ। ওদের ঋণ শোধ করতে পারব না কোনোদিন; ওর
 দাবিরও অন্ত থাকবে না আমার পুরে। তোমার সঙ্গে কখনো
 যাতে ওর দেখা না হয় সে চেষ্টা রইল মনে। কিন্তু আমার সঙ্গে
 ওর সম্বন্ধ যে বিচ্ছিন্ন হবার নয়, সে কথা আজ যেমন বুঝেছি
 এমন এর আগে কখনো বুঝি নি। সব কথা বলতে পারলুম না,
 আমার দুঃখ আজ কথার অতীত হয়ে গেছে। যদি অনুমানে
 বুঝতে পার তো, পারলে, নইলে জীবনে এই প্রথম আমার

বেদনা যা রইল তোমার কাছে অব্যক্ত ।

রমেন চিঠিখানা পড়লে দুইবার । পড়ে চুপ করে রইল ।

নীরজা ব্যাকুলস্বরে বললে, “কিছু একটা বলো ঠাকুরপো !”

রমেন তবু কিছু উত্তর দিলে না ।

নীরজা তখন বিছানার উপর লুটিয়ে পড়ে বালিশে মাথা ঠুকতে লাগল ; বললে, “অন্যায় করেছি, আমি অন্যায় করেছি । কিন্তু কেউ কি তোমরা বুঝতে পার না কিসে আমার মাথা দিল খারাপ করে !”

“কী করছ বউদি ! শাস্ত হও, তোমার শরীর যে যাবে ভেঙে ।”

“এই ভাঙা শরীরই তো আমার কপাল ভেঙেছে, এর জন্যে মমতা কিসের ? তাঁর পরে আমার অবিশ্বাস— এ দেখা দিল কোথা থেকে ? এ যে অক্ষম জীবন নিয়ে আমার নিজেরই উপরে অবিশ্বাস । সেই তাঁর নীরু আজ আছে কোথায় যাকে তিনি কখনো বলতেন ‘মালিনী’, কখনো বলতেন ‘বনলক্ষ্মী’ ! আজ কে নিলে কেড়ে তার উপবন ! আমার কি একটাই নাম ছিল ! কাজ সেরে আসতে যেদিন তাঁর দেরি হত আমি বসে থাকতুম তাঁর খাবার আগলে, তখন আমাকে ডেকেছেন ‘অন্নপূর্ণা’ । সন্ধ্যাবেলায় তিনি বসতেন দিঘির ঘাটে, ছোটো রুপোর থালায় বেলফুল রাশ করে তার উপরে পান সাজিয়ে দিতেন তাঁকে, হেসে আমাকে বলতেন ‘ভান্ডুলকরকবাহিনী’ । সেদিন সংসারের সব পরামর্শই আমার কাছ থেকে নিয়েছেন

তিনি। আমাকে নাম দিয়েছিলেন 'গৃহসচিব', কখনো বা 'হোম সেক্রেটারি'। আমি যেন সমুদ্রে এসেছিলাম ভরা নদী, ছড়িয়েছিলাম নানা শাখা নানা দিকে, সব শাখাতেই আজ এক দণ্ডে জল গেল শুকিয়ে, বেরিয়ে পড়ল পাথর !”

“বউদি, আবার তুমি সেরে উঠবে, তোমার আসন আবার অধিকার করবে পূর্ণ শক্তি দিয়ে।”

“মিছে আশা দিয়ে না ঠাকুরপো! ডাক্তার কী বলে সে আমার কানে আসে। সেইজন্মেই এতদিনের সুখের সংসারকে এত করে আঁকড়ে ধরতে আমার এই নৈরাশ্যের কাঙালপনা।”

“দরকার কী বউদি? আপনাকে এতদিন তো ঢেলে দিয়েছ তোমার সংসারে। তার চেয়ে বড়ো কথা আর কিছু আছে কি? যেমন দিয়েছ তেমনি পেয়েছ, এত পাওয়াই বা কোন্ মেয়ে পায়? যদি ডাক্তারের কথা সত্যি হয়, যদি যাবার দিন এসেই থাকে, তা হলে যাকে বড়ো করে পেয়েছ তাকে বড়ো করে ছেড়ে যাও। এতদিন যে গৌরবে কাটিয়েছ সে গৌরবকে খাটো করে দিয়ে যাবে কেন? এ বাড়িতে তোমার শেষ স্মৃতিকে যাবার সময় নূতন মহিমা দিয়ে।”

“বুক ফেটে যায় ঠাকুরপো, বুক ফেটে যায়! আমার এতদিনের আনন্দকে পিছনে ফেলে রেখে হাসিমুখেই চলে যেতে পারতুম। কিন্তু কোনোখানে কি এতটুকু ফাঁক থাকবে না যেখানে আমার জন্মে একটা বিরহের দাঁপ টিম্টিম্ করেও জ্বলবে? এ কথা ভাবতে গেলে যে মরতেও ইচ্ছে করে না।

ঐ সরলা সমস্তটাই দখল করবে একেবারে পুরোপুরি, বিধাতার এই কি বিচার?”

“সত্তি কথা বলব বউদি, রাগ কোরো না। তোমার কথা ভালো বুঝতেই পারি নে। যা নিজে ভোগ করতে পারবে না, তাও প্রসন্ন মনে দান করতে পার না যাকে এতদিন এত দিয়েছ? তোমার ভালোবাসার উপর এত বড়ো খোঁটা থেকে যাবে? তোমার সংসারে তোমারই শ্রদ্ধার প্রদীপ তুমি আপনিই আজ চুরমার করতে বসেছ। তার ব্যথা তুমি চলে যাবে এড়িয়ে, কিন্তু চিরদিন সে আমাদের বাজবে যে। মিনতি করে বলছি, তোমার সারা জীবনের দাক্ষিণ্যকে শেষ মুহূর্তে কৃপণ করে যেয়ো না।”

ফুঁপিয়ে ফুঁপিয়ে কেঁদে উঠল নীরজা। চুপ করে বসে রই রমেন, সাস্থনা দেবার চেষ্টা মাত্র করলে না, কান্নার বেগ থেমে গেলে নীরজা বিছানায় উঠে বসল। বললে, “আমার একটি ভিক্ষা আছে ঠাকুরপো!”

“হুকুম করো বউদি!”

“বলি শোনো। যখন চোখের জলে ভিতরে ভিতরে বুক ভেসে যায় তখন ঐ পরমহংসদেবের ছবির দিকে তাকিয়ে থাকি। কিন্তু ওঁর বাণী তো হৃদয়ে পৌঁছয় না। আমার মন বিক্রী ছোটো। যেমন করে পার আমাকে গুরুর সন্ধান দাও। না হলে কাটবে না বন্ধন। আসক্তিতে জড়িয়ে পড়ব। যে সংসারে নুখের জীবন কাটিয়েছি, মরার পরে সেইখানেই দুঃখের

হাওয়ায় যুগ যুগান্তর কেঁদে কেঁদে বেড়াতে হবে— তার থেকে উদ্ধার করো আমাকে, উদ্ধার করো।”

“তুমি তো জান বউদি, শাস্ত্রে যাকে বলে পাষণ্ড আমি তাই। কিছু মানি নে। প্রভাস মিত্তির অনেক টানাটানি করে একবার আমাকে তার গুরুর কাছে নিয়ে গিয়েছিল। বাঁধা পড়বার আগেই দিলেম দৌড়। জেলখানার মেয়াদ আছে, এ বাঁধন বেমেয়াদি।”

“ঠাকুরপো, তোমার মন জোরালো, তুমি কিছুতে বুঝবে না আমার বিপদ। বেশ জানি, যতই আঁকুবাঁকু করছি ততই ডুবছি অগাধ জলে, সামলাতে পারছি নে।”

“বউদি, একটা কথা বলি শোনো। যতক্ষণ মনে করবে তোমার ধন কেউ কেড়ে নিয়ে যাচ্ছে ততক্ষণ বুকের পাঁজর জ্বলে আগুনে। পাবে না শাস্তি। কিন্তু স্থির হয়ে বসে বলো দেখি একবার, ‘দিলেম আমি। সকলের চেয়ে যা ছুঁল্য তাই দিলেম তাঁকে, যাঁকে সকলের চেয়ে ভালোবাসি।’ তা হলে সব ভার যাবে এক মুহূর্তে নেমে। মন ভরে উঠবে আনন্দে। গুরুকে দরকার নেই; এখনি বলো, ‘দিলেম, দিলেম, কিছুই হাতে রাখলেম না, আমার সব-কিছু দিলেম, নিমূর্ত্ত হয়ে নির্মল হয়ে যাবার জন্মে প্রস্তুত হলেম, কোনো ছুঁখের গ্রন্থি জড়িয়ে রেখে গেলেম না সংসারে।’”

“আহা, বলো, বলো ঠাকুরপো, বার বার করে শোনাও আমাকে। তাঁকে এ পর্যন্ত যা-কিছু দিতে পেরেছি তাতেই

পেয়েছি আনন্দ, আজ যা দিতে পারছি নে তাতেই এত করে মারছে। দেব দেব দেব, সব দেব আমার— আর দেবি নয়, এখনি। তুমি তাঁকে ডেকে নিয়ে এসো।”

“আজ নয় বউদি, কিছুদিন ধরে মনটাকে বেঁধে নাও, সহজ হোক তোমার সংকল্প।”

“না না, আর সহিতে পারছি নে। যখন থেকে বলে গেছেন এ বাড়ি ছেড়ে জাপানি ঘরে গিয়ে থাকবেন, তখন থেকে এ শয্যা আমার কাছে চিতাশয্যা হয়ে উঠেছে। যদি ফিরে না আসেন এ রান্তির কাটবে না, বুক ফেটে মরে যাব। অমনি ডেকে এনো সরলাকে, আমি শেল উপড়ে ফেলব বুকের থেকে, ভয় পাব না এই তোমাকে বলছি নিশ্চয় করে।”

“সময় হয় নি বউদি, আজ থাক্।”

“সময় যায় পাছে এই ভয়। একনি ডেকে আনো।”

পরমহংসদেবের ছবির দিকে তাকিয়ে দু হাত জোড় করে বললে, “বল দাও ঠাকুর, বল দাও, মুক্তি দাও মতিহীন অধম নারীকে। আমার দুঃখ আমার ভগবানকে ঠেকিয়ে রেখেছে, পূজা অর্চনা সব গেল আমার!— ঠাকুরপো, একটা কথা বলি, আপত্তি কোরো না।”

“কী বলো।”

“একবার আমাকে ঠাকুরঘরে যেতে দাও দশ মিনিটের জন্যে, তা হলে আমি বল পাব, কোনো ভয় থাকবে না।”

“আচ্ছা যাও, আপত্তি করব না।”

“আয়া !”

“কী খোঁসী ?”

“ঠাকুরঘরে নিয়ে চল্ আমাকে ।”

“সে কী কথা ! ডাক্তারবাবু—”

“ডাক্তারবাবু যমকে ঠেকাতে পারবে না, আর আমার ঠাকুরকে ঠেকাবে ?”

“আয়া, তুমি ঙ্কে নিয়ে যাও । ভয় নেই, ভালোই হবে ।”

আয়াকে অবলম্বন করে নীরজা যখন চলে গেল এমন সময় আদিত্য ঘরে এল । আদিত্য জিজ্ঞাসা করলে, “একি, নীরু ঘরে নেই কেন ?”

“এখনি আসবেন, তিনি ঠাকুরঘরে গেছেন ।”

“ঠাকুরঘরে ! ঘর তো কাছে নয় । ডাক্তারের নিষেধ আছে যে ।”

“শুনো না দাদা !— ডাক্তারের ওষুধের চেয়ে কাজে লাগবে । একবার কেবল ফুলের অঞ্জলি দিয়ে প্রণাম করেই চলে আসবেন ।”

নীরজাকে চিঠি লিখে যখন পাঠিয়ে দিয়েছিল তখন আদিত্য স্পষ্ট জানত না যে, অদৃষ্ট তার জীবনের পটে প্রথম যে লিপিখানি অদৃশ্য কালিতে লিখে রেখেছে, বাইরের তাপ লেগে সেটা হঠাৎ এতখানি উঠবে উজ্জ্বল হয়ে । প্রথমে ও সরলাকে

বলতে এসেছিল— আর উপায় নেই, ছাড়াছাড়ি করতে হবে। সেই কথা বলবার বেলাতেই ওর মুখ দিয়ে বেরোল উলটো কথা। তার পরে জ্যোৎস্নারাত্রে ঘাটে বসে বসে, বার বার করে বলেছে— জীবনের সত্যকে আবিষ্কার করেছে বিলম্বে, তাই বলেই তাকে অস্বীকার করতে পারে না। ওর তো অপরাধ নেই, লজ্জা করবার নেই কিছু। অন্তায় তবেই হবে যদি সত্যকে গোপন করতে যায়। করবে না গোপন, নিশ্চয় স্থির— ফলাফল যা হয় তা হোক। এ কথা আদিত্য বেশ বুঝেছে যে, যদি তার জীবনের কেন্দ্র থেকে, কর্মের কেন্দ্র থেকে, সরলাকে আজ সরিয়ে দেয়, তবে সেই একাকিতায়, সেই নীরসতায় ওর সমস্ত নষ্ট হয়ে যাবে— ওর কাজ পর্যন্ত যাবে বন্ধ হয়ে।

“রমেন, তুমি আমাদের সব কথা জান, আমি জানি।”

“হাঁ জানি।”

“আজ চুকিয়ে দেব সব, আজ পর্দা ফেলব উঠিয়ে।”

“তুমি তো একলা নও দাদা! বোঝা ঘাড় থেকে বেড়ে ফেললেই তো হল না। বউদি রয়েছেন ও দিকে। সংসারের গ্রন্থি জটিল।”

“তোমার বউদি আর আমার মধ্যে মিথ্যাকে খাড়া করে রাখতে পারব না। বাল্যকাল থেকে সরলার সঙ্গে আমার যে সম্বন্ধ তার মধ্যে কোনো অপরাধ নেই, সে কথা মান তো?”

“মানি বৈকি।”

“সেই সহজ সম্বন্ধের তলায় গভীর ভালোবাসা ঢাকা ছিল, জানতে পারি নি, সে কি আমাদের দোষ?”

“কে বলে দোষ?”

“আজ সেই কথাটাই যদি গোপন করি তা হলেই মিথ্যাচরণের অপরাধ হবে। আমি মুখ তুলেই বলব।”

“গোপনই বা করতে যাবে কী জগ্গে, আর সমারোহ করে প্রকাশই বা করবে কেন? বউদিদির যা জানবার তা তিনি আপনিই জেনেছেন। আর ক’টা দিন পরেই তো এই পরম ছুখের জটা আপনিই এলিয়ে যাবে। তুমি তা নিয়ে মিথ্যে টানাটানি কোরো না। বউদি যা বলতে চান শোনো, তার উত্তরে তোমারও যা বলা উচিত আপনিই সহজ হয়ে যাবে।”

নীরজাকে ঘরে আসতে দেখে রমেন বেরিয়ে গেল।

নীরজা ঘরে ঢুকেই আদিত্যকে দেখেই মেঝের উপরে লুটিয়ে পড়ে পায়ে মাথা রেখে অশ্রুগদগদ কণ্ঠে বললে, “মাপ করো, মাপ করো আমাকে, অপরাধ করেছি। এতদিন পরে ত্যাগ কোরো না আমাকে, দূরে ফেলো না আমাকে।”

আদিত্য ছুই হাতে তাকে তুলে ধরে বুকে করে নিয়ে আস্তে আস্তে বিছানায় শুইয়ে দিলে। বললে, “নীরু, তোমার ব্যথা কি আমি বুঝি নে!”

নীরজার কান্না থামতে চায় না। আদিত্য আস্তে আস্তে ওর মাথায় হাত বুলিয়ে দিতে লাগল। নীরজা আদিত্যের হাত টেনে নিয়ে বুকে চেপে ধরলে; বললে, “সত্যি বলা, আমাকে

মাপ করেছ। তুমি প্রসন্ন না হলে মরার পরেও আমার সুখ থাকবে না।”

“তুমি তো জান নীরু, মাঝে মাঝে মনাস্তুর হয়েছে আমাদের মধ্যে, কিন্তু মনের মিল কি ভেঙেছে তা নিয়ে?”

“এর আগে তো কোনোদিন বাড়ি ছেড়ে চলে যাও নি তুমি। এবারে গেলে কেন? এত নিষ্ঠুর তোমাকে করেছে কিসে?”

“অণ্ডায় করেছি নীরু, মাপ করতে হবে।”

“কী বল তার ঠিক নেই। তোমার কাছ থেকে আমার সব শাস্তি, সব পুরস্কার। অভিমানে তোমার বিচার করতে গিয়েই তো আমার এমন দশা ঘটেছিল।— ঠাকুরপোকে বলেছিলুম সরলাকে ডেকে আনতে, এখনো আনলেন না কেন?”

সরলাকে ডেকে আনবার কথায় ধক্ করে ঘা লাগল আদিত্যের মনে। সমস্যাতে অস্তুত আজকের মতো কোনোক্রমে পাশে সরিয়ে রাখতে পারলে সে নিশ্চিন্ত হয়। বললে, “রাত হয়েছে, এখন থাক।”

এমন সময় নীরজা বলে উঠল, “ঐ শোনো, আমার মনে হচ্ছে, ওরা অপেক্ষা করছে দরজার বাইরে। ঠাকুরপো, ঘরে এসো তোমরা।”

সরলাকে নিয়ে রমেন ঘরে ঢুকল। নীরজা বিছানা ছেড়ে উঠে দাঁড়ালো। সরলা প্রণাম করলে নীরজার পা ছুঁয়ে।

নীরজা বললে, “এসো বোন, আমার কাছে এসো।”

সরলার হাত ধরে বিছানায় বসালো। বালিশের নীচে থেকে গয়নার কেস টেনে নিয়ে একটি মুক্তোর মালা বের করে সরলাকে পরিয়ে দিলে। বললে, “একদিন ইচ্ছে করেছিলুম, যখন চিতায় আমার দাহ হবে এই মালাটি যেন আমার গলায় থাকে। কিন্তু তার চেয়ে এই ভালো। আমার হয়ে মালা তুমিই গলায় পরে থাকো, শেষদিন পর্যন্ত। বিশেষ বিশেষ দিনে এ মালা কতবার পরেছি সে তোমার দাদা জানেন। তোমার গলায় থাকলে সেই দিনগুলি গুঁর মনে পড়বে।”

“অযোগ্য আমি দিদি, অযোগ্য, কেন আমাকে লজ্জা দিচ্ছ!”

নীরজা মনে করেছিল, আজ তার সর্বদানযজ্ঞের এও একটা অঙ্গ। কিন্তু তার অন্তরতর মনের জ্বালা যে এই দানের মধ্যে দীপ্ত হয়ে প্রকাশ পেল সে কথা সে নিজেও স্পষ্ট বুঝতে পারে নি। ব্যাপারটা সরলাকে যে কতখানি বাজল তা অনুভব করলে আদিত্য ; বললে, “ঐ মালাটা আমাকে দাও-না সরলা! ওর মূল্য আমার কাছে যতখানি, এমন আর কারো কাছে নয়। ও আমি আর কাউকে দিতে পারব না।”

নীরজা বললে, “আমার কপাল! এত করেও বোঝাতে পারলুম না বুঝি! সরলা, শুনেছিলেম এই বাগান থেকে তোমার চলে যাবার কথা হয়েছিল। সে আমি কোনোমতেই ঘটতে দেব না। তোমাকে আমি আমার সংসারের যা-কিছু সমস্তর সঙ্গে রাখব বেঁধে, ঐ হারটি তারই চিহ্ন। এই আমার

বাঁধন "তোমার হাতে দিয়েছিলুম, যাতে নিশ্চিন্ত হয়ে মরতে পারি।"

"ভুল করছ দিদি, আমাকে বাঁধতে চেয়ো না, ভালো হবে না তাতে।"

"সে কী কথা!"

"আমি সত্যি কথাই বলব। এতদিন আমাকে বিশ্বাস করতে পারতে। কিন্তু আজ আমাকে বিশ্বাস কোরো না, এই আমি তোমাদের সকলের সামনে বলছি। ভাগ্য যে দান থেকে আমাকে বঞ্চনা করেছে, কাউকে বঞ্চনা করে সে আমি নেব না। এই রইল তোমার পায়ে আমার প্রণাম, আমি চললুম। অপরাধ আমার নয়, অপরাধ সেই আমার ঠাকুরের যাঁকে সরল বিশ্বাসে রোজ ছু বেলা পূজা করেছি। সেও আজ আমার শেষ হল।"

এই বলে সরলা দ্রুতপদে ঘর থেকে বেরিয়ে গেল। আদিত্য নিজেকে ধরে রাখতে পারলে না, সেও গেল চলে।

"ঠাকুরপো, এ কী হল ঠাকুরপো! বলো ঠাকুরপো, একটা কথা কও।"

"এইজন্মেই বলেছিলুম আজ রাতে ডেকো না।"

"কেন, মন খুলে আমি তো সবই দিয়ে দিয়েছি। ও কি তাও বুঝল না?"

"বুঝেছে বৈকি। বুঝেছে যে মন তোমার খোলে নি। সুর বাজল না।"

“কিছুতে বিস্কন্ধ হল না আমার মন ! এত মার খেয়েও !
কে বিস্কন্ধ করে দেবে ? ওগো সন্ন্যাসী, আমাকে বাঁচাও-না ।
ঠাকুরপো, কে আমার আছে, কার কাছে যাব আমি ?”

“আমি আছি বউদি ! তোমার দায় আমি নেব । তুমি
এখন ঘুমোও ।”

“ঘুমোব কেমন করে ! এ বাড়ি থেকে আবার যদি উনি
চলে যান তা হলে মরণ নইলে আমার ঘুম হবে না ।”

“চলে উনি যেতে পারবেন না ; সে ওঁর ইচ্ছায় নেই,
শক্তিতে নেই । এই নাও ঘুমের ওষুধ, তোমাকে ঘুম পাড়িয়ে
চবে আমি যাব ।”

“যাও ঠাকুরপো, তুমি যাও, ওরা ছুজনে কোথায় গেল
দেখে এসো । নইলে আমি নিজেই যাব, তাতে আমার শরীর
ভাঙে ভাঙুক ।”

“আচ্ছা, আচ্ছা, আমি যাচ্ছি ।”

আদিত্য ওর সঙ্গে এল দেখে সরলা বললে, “কেন এলে ! ভালো কর নি। ফিরে যাও। আমার সঙ্গে তোমাকে এমন করে দেব না জড়াতে।”

“তুমি দেবে কি না সে তো কথা নয়, জড়িয়ে যে গেছেই। সেটা ভালো হোক বা মন্দ হোক তাতে আমাদের হাত নেই।”

“সে-সব কথা পরে হবে, ফিরে যাও, রোগীকে শান্ত করো গে।”

“আমাদের এই বাগানের আর-একটা শাখা বাড়বে সেই কথাটা—”

“আজ থাক। আমাকে ছু-চার দিন ভাববার সময় দাও, এখন আমার ভাববার শক্তি নেই।”

রমেন এসে বললে, “যাও দাদা, বউদিকে ওষুধ খাইয়ে ঘুম পাড়িয়ে দাও গে, দেরি কোরো না। কিছুতেই কোনো কথা কইতে দিয়ো না ওঁকে। রাত হয়ে গেছে।”

আদিত্য চলে গেলে পর সরলা বললে, “শ্রদ্ধানন্দ পার্কে কাল তোমাদের একটা সভা আছে না?”

“আছে।”

“তুমি যাবে না?”

“যাবার কথা ছিল। কিন্তু এবার আর যাওয়া হল না।”

“কেন ?”

“সে কথা তোমাকে বলে কী হবে ?”

“তোমাকে ভীতু বলে সবাই নিন্দে করবে ।”

“যারা আমায় পছন্দ করে না তারা আমায় নিন্দে করবে
বৈকি ।”

“তা হলে শোনো আমার কথা । আমি তোমাকে মুক্তি
দেব । সভায় তোমাকে যেতেই হবে ।”

“আর-একটু স্পষ্ট করে বলো ।”

“আমিও যাব সভায়, নিশেন হাতে নিয়ে ।”

“বুঝেছি ।”

“পুলিসে বাধা দেয় সেটা মানতে রাজি আছি, কিন্তু তুমি
বাধা দিলে মানব না ।”

“আচ্ছা, বাধা দেব না ।”

“এই রইল কথা ?”

“রইল ।”

“আমরা দুজন একসঙ্গে যাব কাল বিকেল পাঁচটার সময় ।”

“হাঁ যাব, কিন্তু ঐ দুর্জনরা তার পরে আমাদের আর এক-
সঙ্গে থাকতে দেবে না ।”

এমন সময় আদিত্য এসে পড়ল । সরলা জিজ্ঞাসা করলে,
“ওকি, এখনি এলে যে বড়ো ?”

“দুই-একটা কথা বলতে বলতেই নীরজা ক্লান্ত হয়ে ঘুমিয়ে
পড়ল, আমি আস্তে আস্তে চলে এলুম ।”

রমেন বললে, “আমার কাজ আছে, চলনুম।”

সরলা হেসে বললে, “বাসা ঠিক করে রেখো, ভুলো না।”

“কোনো ভয় নেই—চেনা জায়গা”—এই বলে সে চলে
গেল।

সরলা বসে ছিল, সে উঠে দাঁড়ালো ; বললে, “যে-সব কথা বলবার নয় সে আমাকে বোলো না আজ, পায়ে পড়ি।”

“কিছু বলব না, ভয় নেই।”

“আচ্ছা, তা হলে আমিই কিছু বলতে চাই শোনো। বোলো, কথা রাখবে।”

“অরক্ষণীয় না হলে কথা নিশ্চয় রাখব তুমি তা জান।”

“বুঝতে বাকি নেই, আমি কাছে থাকলে একেবারেই চলবে না। এই সময়ে দিদির সেবা করতে পারলে খুশি হতুম, কিন্তু সে আমার ভাগ্যে সইবে না। আমাকে অনুপস্থিত থাকতেই হবে।— একটু থামো, কথাটা শেষ করতে দাও। শুনেইছ ডাক্তার বলেছেন, বেশিদিন ওঁর সময় নেই। এইটুকুর মধ্যে ওঁর মনের কাঁটা তোমাকে উপড়ে দিতেই হবে। এই কয়দিনের মধ্যে আমার ছায়া কিছুতেই পড়তে দিয়ো না ওঁর জীবনে।”

“আমার মন থেকে আপনিই ছায়া যদি পড়ে, তবে কী করতে পারি!”

“না না, নিজের সম্বন্ধে অমন অশ্রদ্ধার কথা বোলো না। সাধারণ বাঙালি ছেলের মতো ভিজ্ঞে মাটির তলতলে মন কি তোমার? কক্ষনো না, আমি তোমাকে জানি।”

আদিত্যের হাত ধরে বললে, “আমার হয়ে এই ব্রতটি তুমি

নাও। দিদির জীবনাস্তকালের শেষ ক'টা দিন দাও তোমার দাক্ষিণ্যে পূর্ণ করে। একেবারে ভুলিয়ে দাও যে আমি এসে-ছিলেম ওঁর সৌভাগ্যের ভরা ঘট ভেঙে দেবার জন্তে।”

আদিত্য চুপ করে দাঁড়িয়ে রইল।

“কথা দাও ভাই!”

“দেব, কিন্তু তোমাকেও একটা কথা দিতে হবে। বলো, রাখবে।”

“তোমার সঙ্গে আমার তফাত এই যে, আমি যদি তোমাকে কিছু প্রতিজ্ঞা করাই সেটা সাধ্য, কিন্তু তুমি যদি করাও সেটা হয়তো অসম্ভব হবে।”

“না, হবে না।”

“আচ্ছা, বলো।”

“যে কথা মনে মনে বলি, সে কথা তোমার কাছে মুখে বলতে অপরাধ নেই। তুমি যা বলছ তা শুনব এবং সেটা বিনা ক্রান্তিতে পালন করা সম্ভব হবে যদি নিশ্চিত জানি, একদিন তুমি পূর্ণ করবে আমার সমস্ত শূন্যতা।— কেন চুপ করে রইলে?”

“জানি নে যে ভাই, প্রতিজ্ঞাপালনে কী বিঘ্ন একদিন ঘটতে পারে।”

“বিঘ্ন তোমার অন্তরে আছে কি? সেই কথাটা বলো আগে।”

“কেন আমাকে দুঃখ দাও? তুমি কি জান না এমন কথা আছে ভাষায় বললে যার আলো যায় নিভে?”

“আচ্ছা, এই গুনলুম, এই গুনেই চললুম কাজে ।”

“আর ফিরে তাকাবে না এখন ?”

“না, কিন্তু অব্যক্ত প্রতিজ্ঞার সীলমোহর করে নিতে ইচ্ছা করছে তোমার মুখটিতে ।”

“যা সহজ তাকে নিয়ে জোর কোরো না । থাক্ এখন ।”

“আচ্ছা, তবে একটা কথা জিজ্ঞাসা করি— এখন কী করবে, থাকবে কোথায় ?”

“সে ভার নিয়েছেন রমেনদা ।”

“রমেন তোমাকে আশ্রয় দেবে ? সে লক্ষ্মীছাড়ার চালচুলো আছে কি ?”

“ভয় নেই তোমার । পাকা আশ্রয় । নিজের সম্পত্তি নয়, কিন্তু বাধা ঘটবে না ।”

“আমি জানতে পারব তো ?”

“নিশ্চয় জানতে পারবে কথা দিয়ে যাচ্ছি । কিন্তু ইতিমধ্যে আমাকে দেখবার জগ্গে একটুও ব্যস্ত হতে পারবে না, এই সত্য করো ।”

“তোমারও মন ব্যস্ত হবে না ?”

“যদি হয় অন্তর্ধামী ছাড়া আর কেউ জানতে পারবে না ।”

“আচ্ছা, কিন্তু যাবার সময় ভিক্ষার পাত্র একেবারে শূণ্য রেখেই বিদায় দেবে !”

পুরুষের চোখ ছলছল করে উঠল ।

সরলা কাছে এসে নীরবে মুখ তুলে ধরলে ।

“রোশ্‌নি !”

“কী খোঁখী ?”

“কাল থেকে সরলাকে দেখছি নে কেন ?”

“সে কী কথা ! জান না সরকার-বাহাছর যে তাকে পুলিশ-পোলাও চালান দিয়েছে ?”

“কেন, কী করেছিল ?”

“দরওয়ানের সঙ্গে ষড়্ করে বড়োলাটের মেমসাহেবের ঘরে ঢুকেছিল।”

“কী করতে ?”

“মহারানীর সীলমোহর থাকে যে বাঁকায় সেইটে চূ করতে— আচ্ছা বুকের পাটা !”

“লাভ কী ?”

“ঐ শোনো, সেটা পেলেই তো সব হল। লাট সাহেবের ফাঁসি দিতে পারত। সেই মোহরের ছাপেই তো রাজ্যখানা চলছে।”

“আর, ঠাকুরপো ?”

“সিঁধকাঠি বেরিয়েছে তাঁর পাগড়ির ভিতর থেকে, দিয়েছে তাঁকে হরিণবাড়িতে, পাথর ভাঙাবে পঁচাত্তর বছর। আচ্ছা খোঁখী, একটা কথা জিজ্ঞাসা করি, বাড়ি থেকে যাবার সময় সরলাদিদি তার জাফরানি রঙের শাড়িখানা আমাকে দিয়ে গেল। বললে,

‘তোমার ছেলের বউকে দিয়ো।’ চোখে আমার জল এল। কম
ছুখ তো দিই নি ওকে। এই শাড়িটা যদি রেখে দিই কোম্পানি-
বাহাহুর ধরবে না তো ?”

“ভয় নেই তোয়। কিন্তু শিগ্গির যা। বাইরের ঘরে
ধবরের কাগজ পড়ে আছে, নিয়ে আয়।”

পড়ল কাগজ। আশ্চর্য হল, আদিত্য তাকে এত বড়ো
ধবরটাও দেয় নি।— ‘এ কি অশ্রদ্ধা করে? জেলে গিয়ে জিতল
ঐ মেয়েটা! আমি কি পারতুম না যেতে, যদি শরীর থাকত?
হাসতে হাসতে ফাঁসি যেতে পারতুম।’

“রোশ্‌নি, তোদের সরলা দিদিমণির কাণ্ডটা দেখলি?
হাটের লোকের সামনে ভদ্রধরের মেয়ে—”

আয়া বললে, “মনে পড়লে গায়ে কাঁটা দেয়, চোর-
ডাকাতির বাড়া! ছি ছি।”

“ওর সব-তাতেই গায়ে-পড়া বাহাহুরি। বেহায়াগিরির
একশেষ, বাগান থেকে আরম্ভ করে জেলখানা পর্যন্ত। মরতে
মরতেও দেমাক ঘোচে না।”

আয়ার মনে পড়ল জাফরানি রঙের শাড়ির কথা। বললে,
“কিন্তু খোঁশী, দিদিমণির মনখানা দরাজ।”

কথাটা নীরজাকে মস্ত একটা ধাক্কা দিলে। সে যেন হঠাৎ
জেগে উঠে বললে, “ঠিক বলেছিস রোশ্‌নি, ঠিক বলেছিস।
ভুলে গিয়েছিলুম। শরীর ধারাপ থাকলেই মন ধারাপ হয়।
আগের থেকে যেন নিচু হয়ে গেছি। ছি ছি, নিজেকে মারতে

ইচ্ছে করে। সরলা খাঁটি মেয়ে, মিথ্যে কথা জানে না।
অমন মেয়ে দেখা যায় না। আমার চেয়ে অনেক ভালো।
শিগ্গির আমাদের গণেশ সরকারকে ডেকে দে।”

আয়া চলে গেলে ও পেন্সিল নিয়ে একটা চিঠি লিখতে
বসল। গণেশ এল। তাকে বললে, “চিঠি পৌঁছিয়ে দিতে
পারবে জেলখানায় সরলাদিদিকে?”

গণেশ গাছুলির কুতিষের অভিমান ছিল। বললে, “পারবে।
কিছু খরচ লাগবে। কিন্তু কী লিখলে মা, শুনি, কেননা
পুলিসের হাত দিয়ে যাবে চিঠিখানা।”

নীরজা পড়ে শোনালে, “খন্ড তোমার মহত্ব। এবার জেল-
খানা থেকে বেরিয়ে যখন আসবে তখন দেখবে, তোমার পথের
সঙ্গে আমার পথ মিলে গেছে।”

গণেশ বললে, “ঐ যে পথটার কথা লিখেছ ভালো
শোনাস্ছে না। আমাদের উকিলবাবুকে দেখিয়ে ঠিক করা
যাবে।”

গণেশ চলে গেল। নীরজা মনে মনে রমেনকে প্রণাম করে
বললে, ‘ঠাকুরপো, তুমি আমার গুরু।’

আদিত্য একটা পেয়ালায় ওষুধ নিয়ে ঘরে এসে প্রবেশ করলে।

নীরজা বললে, “এ আবার কী?”

আদিত্য বললে, “ডাক্তার বলে গেছে ঘন্টায় ঘন্টায় ওষুধ খাওয়াতে হবে।”

“ওষুধ খাওয়ানোর জগ্গে বুঝি আর পাড়ায় লোক জুটল না? নাহয় দিনের বেলাকার জগ্গে একজন নার্স রেখে দাও-না, যদি মনে এতই উদবেগ থাকে।”

“সেবার ছলে কাছে আসবার সুযোগ যদি পাই ছাড়ব কেন?”

“তার চেয়ে কোনো সুযোগে তোমার বাগানের কাজে যদি যাও তো আমি ঢের বেশি খুশি হব। আমি পড়ে আছি আর দিনে দিনে বাগান যে নষ্ট হয়ে যাচ্ছে।”

“হোক-না নষ্ট। সেরে ওঠো আগে, তার পর সেদিনকার মতো দুজনে মিলে কাজ করব।”

“সরলা চলে গেছে, তুমি একলা পড়েছ, কাজে মন যাচ্ছে না। কিন্তু উপায় কী? তাই বলে লোকসান করতে দিয়ে না।”

“লোকসানের কথা আমি ভাবছি নে নীরু! বাগান করাটা যে আমার ব্যবসা-সে কথা এতদিন তুমিই ভুলিয়ে রেখেছিলে,

কাজে তাই মুখ ছিল। এখন মন যায় না।”

“অমন করে আক্ষেপ করছ কেন? বেশ তো কাজ করছিলে এই সেদিন পর্যন্ত। কিছুদিনের জন্তে যদি বাধা পড়ে তাই নিয়ে এত ব্যাকুল হোয়ো না।”

“পাখাটা কি চালিয়ে দেব?”

“বাড়াবাড়ি কোরো না তুমি, এ-সব কাজ তোমাদের নয়। এতে আমাকে আরো ব্যস্ত করে তোলে। যদি কোনোরকম করে দিন কাটাতে চাও তো তোমাদের তো হাটিকাল্‌চরিস্ট ফ্লাব আছে।”

“তুমি যে রঙিন লিলি ভালোবাস বাগানে অনেক খুঁজে একটাও পাই নি। এবারে ভালো বৃষ্টি হয় নি বলে গাছগুলোর ভেজ নেই।”

“কী তুমি মিছিমিছি বকছ! তার চেয়ে হলাকে ডেকে দাও, আমি গুয়ে গুয়েই বাগানের কাজ করব। তুমি কি বলতে চাও, আমি শয্যাগত বলেই আমার বাগানও হবে শয্যাগত! শোনো আমার কথা। শুকনো সীজ্‌ন্ ফুলের গাছগুলো উপড়িয়ে ফেলে সেখানে জমি তৈরি করিয়ে নাও। আমার সিঁড়ির নীচের ঘরে সর্বের খেলের বস্তু আছে। হলার কাছে আছে তার চাবি।”

“তাই নাকি, হল! তো এতদিন কিছুই বলে নি।”

“বলতে ওর রুচবে কেন? ওকে কি তোমরা কম হেনস্তা করেছ? কাঁচা সাহেব এসে প্রবীণ কেরানিকে যে-রকম গ্রাহ

করে না সেইরকম আর-কি।”

“হলা মালী সম্বন্ধে সত্য কথা বলতে যদি চাই তবে সেটা অপ্রিয় হয়ে উঠবে।”

“আচ্ছা, আমি এই বিছানায় পড়ে থেকেই ওকে দিয়ে কাজ করাব, দেখবে ছুদিনেই বাগানের চেহারা ফেরে কি না। বাগানের ম্যাপটা আমার কাছে দিয়ো। আর, আমার বাগানের ডায়রিটা। আমি ম্যাপে পেন্সিলের দাগ দিয়ে সমস্ত ব্যবস্থা করে দেব।”

“আমার তাতে কোনো হাত থাকবে না?”

“না। যাবার আগে এ বাগানে সম্পূর্ণ আমার ছাপ মেরে দেব। বলে রাখছি, রাস্তার ধারের ঐ বটলপামগুলো আমি একটাও রাখব না। ওখানে ঝাউগাছের সার লাগিয়ে দেব। অমন করে মাথা নেড়ে না। হয়ে গেলে তখন দেখো। তোমাদের ঐ লনটা আমি রাখব না, ওখানে মার্বেলের একটা বেদী বাঁধিয়ে দেব।”

“বেদীটা কি ও জায়গায় মানাবে? একটু যেন— যাকে বলে সস্তা নবাবি।”

“চুপ করো। খুব মানাবে। তুমি কোনো কথা বলতে পারবে না। কিছুদিনের জন্তে এ বাগানটা হবে একলা আমার, সম্পূর্ণ আমার। তার পর সেই আমার বাগানটা আমি তোমাকে দিয়ে যাব। ভেবেছিলে আমার শক্তি গেছে, দেখিয়ে দেব কী করতে পারি। আরো তিনজন মালী আমার

চাই, আর মজুর লাগবে জন ছয়েক। মনে আছে একদিন তুমি বলেছিলে, বাগান সাজিয়ে তোমার শিকা আমার হয় নি। হয়েছে কি না তার পরীক্ষা দিয়ে যাব। তোমাকে মনে রাখতেই হবে যে, এ আমার বাগান, আমারই বাগান, আমার স্বয়ং কিছুতে যাবে না।”

“আচ্ছা, সেই ভালো, তা হলে আমি কী করব?”

“তুমি তোমার দোকান নিয়ে থাকো; সেখানে তোমার আপিসের কাজ ভোঁ কম নয়।”

“তোমাকে নিয়ে থাকাও তা হলে নিষিদ্ধ?”

“হাঁ, সর্বদা কাছে থাকবার মতো সে আমি আর নেই— এখন আমি কেবল আর-একজনকে মনে করিয়েই দিতে পারি— তাতে লাভ কী?”

“আচ্ছা, বেশ। যখন তুমি আমাকে সহ্য করতে পারবে তখনি আসব। ডেকে পাঠিয়ে আমাকে। আজ সাজিতে তোমার জন্ম গন্ধরাজ এনেছি, রেখে যাই তোমার বিছানায়, কিছু মনে কোরো না।” — বলে আদিত্য উঠে পড়ল।

নীরঞ্জা হাত ধরে বললে, “না, যেয়ো না, একটু বোসো।”

ফুলদানিতে একটা ফুল দেখিয়ে বললে, “জান এ ফুলের নাম?”

আদিত্য জানে কী জবাব দিলে ও খুশি হবে, তাই মিথ্যে করে বললে, “না, জানি নে।”

“আমি জানি। বলব? পেটানিয়া। তুমি মনে কর আদি-

কিছু জানি নে, মূৰ্খ আমি।”

আদিত্য হেসে বললে, “সহধর্মিনী তুমি, যদি মূৰ্খ হও অসম্ভব আমার সমান মূৰ্খ। আমাদের জীবনে মূৰ্খতার কারবার আধা-আধি ভাগে চলছে।”

“সে কারবার আমার ভাগ্যে এইবারে শেষ হয়ে এল। ঐ যে দারোয়ানটা ঐখানে বসে তামাক কুটছে, ও থাকবে দেউড়িতে, কিছুদিন পরে আমি থাকব না। ঐ যে গোরুর গাড়িটা পাথুরে কয়লা আজাড় করে দিয়ে খালি ফিরে যাচ্ছে, এর যাতায়াত চলবে রোজ রোজ, কিন্তু চলবে না আমার এই দয়যন্ত্রটা।”

আদিত্যের হাত হঠাৎ জোর করে চেপে ধরলে; বললে, “একেবারেই থাকব না? কিছুই থাকব না? বলো আমাকে, তুমি তো অনেক বই পড়েছ, বলো-না আমাকে সত্যি করে।”

“যাদের বই পড়েছি তাদের বিত্তে যতদূর আমারও ততদূর। যমের দরজার কাছটাতে এসে খেমেছি, আর এগোই নি।”

“বলো-না। তুমি কী মনে কর? একটুও থাকব না? এতটুকুও না?”

“এখন আছি এটাই যদি সম্ভব হয়, তখন থাকব সেও সম্ভব।”

“নিশ্চয়ই সম্ভব। ঐ বাগানটা সম্ভব, আর আমিই হব অসম্ভব—এ হতেই পারে না, কিছুতেই না। সন্ধেবেলায়

অমনি করেই অস্পষ্ট আলোয় কাকেরা ফিরবে বাসায়, এমনি করেই ছলবে সুপূরিগাছের ডাল ঠিক আমারই চোখের সামনে। সেদিন তুমি মনে রেখো, আমি আছি, আমি আছি, সমস্ত বাগানময় আমি আছি। মনে কোরো বাতাস যখন তোমার চুল ওড়াচ্ছে আমার আঙুলের ছোঁওয়া আছে তাতে। বলো, মনে করবে ?”

আদিত্যকে বলতে হল, “হাঁ, মনে করব।”

কিন্তু এমন সুরে বলতে পারলে না যাতে তার বিশ্বাসের প্রমাণ হয়।

নীরজা অস্থির হয়ে বলে উঠল, “তোমাদের বই যারা লেখে ভারি তো পণ্ডিত তারা, কিছুর জানে না। আমি নিশ্চয় জানি, আমার কথা বিশ্বাস করো। আমি থাকব, আমি এইখানেই থাকব, আমি তোমারই কাছে থাকব, একেবারে স্পষ্ট দেখতে পাচ্ছি। এই তোমাকে বলে যাচ্ছি, কথা দিয়ে যাচ্ছি, তোমার বাগানের গাছপালা সমস্তই আমি দেখব, যেমন আগে দেখতুম তার চেয়ে অনেক ভালো করে দেখব। কাউকে দরকার হবে না। কাউকে না।”

বিছানায় শুয়ে ছিল নীরজা, উঠে বালিশে ঠেসান দিয়ে বসল; বললে, “আমাকে দয়া করো, দয়া করো। তোমাকে এত ভালোবাসি সেই কথা মনে করে আমাকে দয়া করো। এতদিন তুমি আমাকে যেমন আদরে স্থান দিয়েছ তোমার ঘরে, সেদিনও তেমনি করেই স্থান দিয়ে। ঋতুতে ঋতুতে

তোমার যে-সব ফুল ফুটবে তেমনি করেই মনে মনে তুলে দিয়ে
আমার হাতে। যদি নিষ্ঠুর হও তুমি, তা হলে তো এখানে
আমি থাকতে পারব না। আমার বাগান যদি কেড়ে নাও তা
হলে হাওয়ায় হাওয়ায় কোন্ শূণ্যে আমি ভেসে বেড়াব !”

নীরজার হুই চকু দিয়ে জল ঝরে পড়তে লাগল।

আদিত্য মোড়া ছেড়ে বিছানার উপর উঠে বসল। নীরজার
মুখ বুকে টেনে নিয়ে আস্তে আস্তে হাত বুলোতে লাগল তার
মাথায়। বললে, “নীরু, শরীর নষ্ট কোরো না।”

“যাক গে আমার শরীর। আমি আর কিছু চাই নে,
আমি কেবল তোমাকে চাই এই সমস্ত-কিছু নিয়ে। শোনো
একটা কথা বলি, রাগ কোরো না আমার উপর, রাগ কোরো
না।”

বলতে বলতে স্বর রুদ্ধ হয়ে এল। একটু শান্ত হলে পর
বললে, “সরলার উপর অস্থায় করেছি। তোমার পায়ে ধরে
বলছি, আর অস্থায় করব না। যা হয়েছে তার জন্তে আমাকে
মাপ করো। কিন্তু, আমাকে ভালোবাসো, ভালোবাসো তুমি,
যা চাও আমি সব করব।”

আদিত্য বললে, “শরীরের সঙ্গে সঙ্গে মন ছিল অস্থায়,
নীরু, তাই নিজেকে মিথ্যা পীড়ন করেছ।”

“শোনো বলি। কাল রাত্রি থেকে বার বার পণ করেছি,
এবার দেখা হলে নির্মল মনে ওকে বুকে টেনে নেব আপন
বোনের মতো। তুমি আমাকে এই শেষ প্রতিজ্ঞা-রক্ষায়

সাহায্য করে। বলে, আমি তোমার ভালোবাসা থেকে বঞ্চিত হব না, তা হলে সবাইকেই আমার ভালোবাসা দিয়ে যেতে পারব।”

এ কথাই কোনো উত্তর না করে আদিত্য বার বার চুম্বন করলে গুর মুখ, গুর কপাল। মুদে এল নীরজার চোখ। খানিক বাদে নীরজা জিজ্ঞাসা করলে, “সরলা কবে খালাস পাবে সেই দিন গুর্নছি। ভয় হয় পাছে তার আগে মরে যাই। পাছে বলে যেতে না পারি যে, আমার মন একেবারে সাদা হয়ে গেছে।— এইবার আলো জ্বালাও। আমাকে পড়ে শোনাও অক্ষয় বড়ালের ‘এষা’।”

বালিশের নীচে থেকে বই বের করে দিলে। আদিত্য পড়ে শোনাতে লাগল।

শুনতে শুনতে যেই একটু ঘুম এসেছে আয়া ঘরে এসে বলল “চিঠি”; যোর ভেঙে নীরজা চমকে উঠল। ধড়্ ধড়্ করতে লাগল তার বুক। কোনো বন্ধু আদিত্যকে খবর দিয়েছে, জ্বলে স্থানাভাব, তাই যে-কয়টি কয়েদিকে মেয়াদ উত্তীর্ণ হবার আগেই ছেড়ে দেওয়া হবে সরলা তার মধ্যে একজন। আদিত্যের মনটা লাফিয়ে উঠল। প্রাণপণ বলে চেপে রাখলে মনের উল্লাস। নীরজা জিজ্ঞাসা করলে, “কার চিঠি, কী খবর?”

পাছে পড়তে গেলে গলার আওয়াজ যায় কেঁপে, চিঠি-খানা দিলে নীরজার হাতেই। নীরজা আদিত্যের মুখের দিকে

চাইলে। মুখে কথা নেই বটে, কিন্তু কথার প্রয়োজন ছিল না। নীরজার মুখেও কথা বেরোল না কিছুক্ষণ। তার পরে খুব জোর করে বললে, “তা হলে তো আর দেরি নেই। আজই আসবে। ওকে আনবে আমার কাছে।”

“ও কী! কী হল! নীরু! নার্স! ডাক্তার আছেন?”

“আছেন বাইরের ঘরে।”

“এখনি নিয়ে এসো! এই-যে ডাক্তার! এইমাত্র বেশ সহজ শরীরে কথা বলছিল; বলতে বলতে অজ্ঞান হয়ে গেল।”

ডাক্তার নাড়ী দেখে চূপ করে রইল।

কিছুক্ষণ পরে রোগী চোখ মেলেই বললে, “ডাক্তার, আমাকে বাঁচাতেই হবে। সরলাকে না দেখে যেতে পারব না। ভালো হবে না তাতে। আশীর্বাদ করব তাকে। শেষ আশীর্বাদ।”

আবার এল চোখ বুজে। হাতের মুঠো শক্ত হল; বলে উঠল, “ঠাকুরপো, কথা রাখব, কুপণের মতো মরব না।”

এক-একবার চেতনা ক্ষীণ হয়ে জগৎ ঝাপসা হয়ে আসছে, আবার নিবু-নিবু প্রদীপের মতো জীবনশিখা উঠছে জ্বলে। স্বামীকে থেকে থেকে জিজ্ঞাসা করছে, “কখন আসবে সরলা?”

থেকে থেকে সে ডেকে ওঠে, “রোশ্‌নি!”

আয়া বলে, “কী খোঁখী?”

“ঠাকুরপোকে ডেকে দে এক্সুনি।”

একবার আপনি বলে উঠল, “কী হবে আমার ঠাকুরপো !
দেব দেব দেব, সব দেব ।”

রাত্রি তখন ন’টা । নীরজার ঘরের কোণে ক্ষীণ আলোতে
জ্বলছে একটা মোমের বাতি । বাতাসে দোলন-চাঁপার গন্ধ ।
খোলা জানলার থেকে দেখা যায় বাগানের গাছগুলোর
পুঞ্জীভূত কালিমা, আর তার উপরের আকাশে কালপুরুষের
নক্ষত্রশ্রেণী । রোগী ঘুমোচ্ছে আশঙ্কা করে সরলাকে দরজার
কাছে রেখে আদিত্য ধীরে ধীরে এল নীরজার বিছানার
কাছে ।

আদিত্য দেখলে ঠোট নড়ছে । যেন নিঃশব্দে কী জপ
করছে । জ্ঞানে-অজ্ঞানে-জড়িত বিহ্বল মুখ । কানের কাছে
মাথা নামিয়ে আদিত্য বললে, “সরলা এসেছে ।”

চোখ ঈষৎ মেলে নীরজা বললে, “তুমি যাও”— একবার
ডেকে উঠল “ঠাকুরপো”— কোথাও সাড়া নেই ।

সরলা এসে প্রণাম করবার জ্ঞান পায়ে হাত দিতেই যেন
বিছাতের আঘাতে ওর সমস্ত শরীর আন্ধিপ্ত হয়ে উঠল । পা
ক্রান্ত আপনি গেল সরে । ভাঙা গলায় বলে উঠল, “পারলুম
না, পারলুম না— দিতে পারব না, পারব না ।”


বলতে বলতে অস্বাভাবিক জোর এল দেহে ; চোখের


তারা প্রসারিত হয়ে জ্বলতে লাগল। চেপে ধরলে সরলার হাত, কণ্ঠস্বর তীক্ষ্ণ হল; বললে, “জায়গা হবে না ভোর রাক্ষসী, জায়গা হবে না! আমি থাকব, থাকব, থাকব!”

হঠাৎ ঢিলে-সেমিজ-পরা পাণ্ডুবর্ণ শীর্ণ মূর্তি বিছানা ছেড়ে খাড়া হয়ে দাঁড়িয়ে উঠল। অদ্ভুত গলায় বললে, “পালা পালা পালা এখনি! নইলে দিনে দিনে শেল বিধব তোর বুক— শুকিয়ে ফেলব তোর রক্ত!”

বলেই পড়ে গেল মেঝের উপর।

গলার শব্দ শুনে আদিত্য ছুটে এল ঘরে। প্রাণের সমস্ত শক্তি ফুরিয়ে ফেলে দিয়ে নীরজার শেষ কথা তখন স্তব্ধ হয়ে গেছে।







মূল্য ৮০.০০ টাকা

ISBN-978-81-7522-551-0